



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




0. 1.
259.



6001025460







**S. CYRILLI HIEROSOLYMITANI
DE CONTENTIONIBUS ET PLACITIS ARIANORUM SEN**

**COMMENTATIO HISTORICO-DOGMATICA,
QUAM EX INDICE LECTIONUM LYCEI REGII HOS**

DENUO EDENDAM

CURAVIT

LIC. J. MARQUARDT,
PROF. PUBL. EXTRAORD.



BRUNSBURGAE, 1881.

TYPIS HEYNEANIS.

110. l. 259.

Praefatio.

Mirari vos opinor, commilitones humanissimi, quid sit, quod a proposita vobis in indice le per hiemem MDCCCLXXVII institutarum materia declinaverim et aliud prorsus ac tum promissis catechesibus s. Cyrilli dogma nunc eruendum statuerim. Quam enim ibi illustrare coepi catecheses Hierosolymitani de baptismo, chrismate, eucharistia doctrinam quum commentatione una ceteris terminis circumscripta minima ex parte absolvere possem, reliquas particulas me vobis eadem cunctis tunitate suo tempore redeunte exhibiturum esse promisi, ut quod hoc loco aggressus essem, loco perficerem. Numquid fortasse a proposito deflexi? An animus viresque ceciderunt in me illis tam gravibus tractandis? Absit utrumque. Immo potius id, quod peculiari amore institui, scilicet rerum studium et retinui totaque mente colui; sed quo diutius in eo versatus sum, eo magisque adductus sum, ut illa, quae initio singulis iisdemque disjunctis commentationibus tractare proposueram Cyrillo interprete mysteria, denique digna esse putarem, de quibus solidum et copiosum opusculum componerem. Quod quum statutum habeam cum animo et deliberatum quumque illis temporibus quidem remissum et intermissum, tamen brevi me ad finem perducturum esse sperem, me ad aliud doctrinae Cyrillianae caput, quod quale sit, jam titulus hujus indicis aperuit. Hoc ut eligerem, facile animum movit illorum temporum, quorum Cyrillus aequalis fuit, condicio.

Quisquis enim historiam ecclesiasticam vel celeriter percurrerit, non poterit ignorare, temporibus, quibus Cyrillus presbyter mandatu Maximi episcopi munere catechetico fungens (c. 347 s. 348), ecclesiam procellis tam vehementibus esse jactatam, quibus haud scio an nunquam turbaverint vehementiores. Ario quidem haeretico cum episcopis ei addictis a patribus concilii I (325) damnato et vera de trinitate doctrina accuratissime definita, tamen tantum aberat, ut a tempestatibus conquiesceret et exoptata pace frueretur, ut nunc ii, qui Ario et impiæ ejus favebant, cujusvis factionis socii Eusebio utroque quum Caesariensi tum vero maxime Nicomede cum Arianis adversus Athanasium et Eustathium ceterosque, qui illa aetate exstiterunt, constantialitatis propugnatores tum palam et aperte starent, tum dolis atque artibus, quascunque res possent, moverent causas et calumnias. Quibus quum plus justo faciles ab imperatoribus praebentur aures, depositione, exilio, aliis poenis orthodoxi vexantur episcopi, ipsisque in urbibus, ubi pulsorum sedes vi et armis subrogantur episcopi haeretici aut veteres catholici principum favent auctoritate conciliorum pulsus illis pristinas sedes recuperant, domesticae oriuntur seditiones. Quod tristissimum hoc episcoporum discidium pervenerat, id magna cum offensione populi christiani manifestum apparuit in synodo Sardicensi paucis annis ante, quam Cyrillus catecheses habuit, utriusque imperii et occidentis et orientis consensu convocata (343—344). Ubi quum Eusebiani catholicos et imperii auctoritate superiores invenissent, turbulenta fuga Philippopolim se receperunt ad proprium co-

randum, ita ut jam duo concilia existerent, quae mutuo anathemate se inquinarent literisque licis ad omnes orbis episcopos datis gravissima alterum alteri crimina inferrent: Sardicenses propositos haeresis Arianæ, Philippopolitani Sardicenses Sabellianæ, factarum caedium et urum utrique alteros condemnant. Auxit praeterea et aluit has tempestates et contentiones duplex quae tum temporis maxime animos movit et excitavit, de vocibus *ὁμοούσιος* et *ὑπόστασις* controversia.

Quid his de turbis et controversiis Cyrillus cogitaverit quasque partes secutus sit, operae pretium minus diligentius examinare; tantoque religiosius et accuratius haec quaestio nobis excutienda esset, quanto minus et veteres et recentiores de ea scripserunt congruentia. Alii enim Cyrillum ab initio justam synodi Nicaenae, Athanasii, ceterorum ecclesiae defensorum causam amplexum¹⁾, alii impia adversariorum studia et placita probasse vel saltem nonnunquam in utramque partem lasse²⁾, alii primum neutri parti se adjunxisse, postea ad catholicos transiisse³⁾ referunt. — Quous rem illustrem, ita disponam et absolvam, ut primum quid de tempestatibus et contentionibus esiaisticis in universum senserit, deinde quid de trinitate et praesertim de divinitate filii (et spiritus s.) maxime disceptata docuerit, accuratius exponam.

Caput primum.

S. Cyrilli de contentionibus Arianorum sententia.

1. Quum Cyrillus eo tempore, quo catecheses dixit, novus esset presbyter triginta fere annorum Maximo praesule ordinatus eodemque ita probatus, ut ad catechumenos, qui proxime abessent ab iatione, ei liceret orationes habere catecheticas, jam par est expectare, eum non propriam, sed iam a Maximo episcopo accepit quamque in ecclesia Hierosolymitana et tota fere Palaestina communem invenit de rebus ecclesiasticis sententiam secutum esse et in catechesibus aperuisse. Quis in crediderit, juvenem presbyterum, cujus fidei episcopus maximum illud catechetæ munus mandarat, de gravissimis ecclesiae turbis et contentionibus aliter sensisse ac praesulem? Atqui Maximus

¹⁾ Theodoret. H. E. II. 26: „*Κύριλλος . . . τῶν ἀποστολικῶν δογμάτων προθύμως ὑπερμαχῶν*.“ — Eusebius, Chronogr. p. 34. Ed. Par. 1655 (Ed. J. Classen I, 62). — Nicephorus Callistus, H. E. IX, 46: „*Κύριλλος ἔς τῷ ὁμοουσίου στοιχοῦσιν ἐξ ἀρχῆς ἐτίπετο*“. — Tillemont (à Bruxelles 1732) p. 343: „Les écrits, que nous avons de s. Cyrille, le justifient tout à fait.“

²⁾ Hieronymus in Chronico ad annum 349 (p. 183), qui quidem nostra aera numerandus est 350: „Post quem Maximum ecclesiam Ariani invadunt, i. e. Cyrillus, Eutychius, rursum Cyrillus“ etc. — Rufinus, H. E. I, 23: „Hieronymus Cyrillus post Maximum aliquando in fide, saepius in communione variabat“. — Socrates, H. E. V, 8: „*Συνῆλθον*“ (sc. ad concilium Constant. 381—382) *τῆς μὲν ὁμοουσίου πίστεως, ἐκ μὲν Ἀλεξανδρείας Τιμόθεος, ἐκ δὲ Ἱερουσολύμων Κύριλλος, τότε ἐκ μεταμελείας τῷ ὁμοουσίου προσκείμενος*“. Idem narrat Sozomenus H. E. VII, 7. — inſcher, Dogm. Geſch. 3. Aufl. I, p. 217: „Andere, wie Cyrillus v. Jeruſ., wollten wenigſtens das Wort *ὁμοούσιος* nicht nehmen“; quare non dubitat, Cyrillum in Semiarianos annumerare. — Hagenbach, Lehrb. der Dogm. Geſch. I, p. 261: „Cyrill v. Jer. trat von der eusebianischen Partei zur nicäischen über“.

³⁾ Hefele, Concil. Geſch. I. p. 712. II. 5. 39. — Schwane, Dogm. Geſch. II. p. 162 sqq.

Hierosolymitanus ut multi alii iidemque sancti episcopi ab Eusebianis delusus concilio Tyr Eusebiani simulato recti ordinis et pacis ecclesiasticae studio contra Athanasium coegerant cum reliquis Palaestinae episcopis interfuit. Teste enim Rufino⁴⁾ in hoc concilio evenit, ut P. Aegyptius, quum Maximum ibi inter adversarios Athanasii vidisset pro nimia sua simplicitate fraudis et vitii de iis suspicantem; prehensum manu e consessu duxerit et singulis de rebus institutum perpetua communione cum Athanasio sociaverit. Idem post decretam et pronuntiatam synodo Athanasii damnationem factum esse, narrat Sozomenus⁵⁾ neque obscure indicat, Maximum improbasse; de conciliata autem ab eo cum Athanasio amicitia tacet. Quibus in synodo Tyr quum Maximus et ceteri, qui ibi fuerant, episcopi Hierosolyma se conferrent concilium ad dedendam Basilicae Resurrectionis celebraturi, quis non scire cuperet, qualem ille in hoc se concilio ubi Eusebiani jam ausi sunt Arianos sine poenitentia in ecclesiam recipere? Utrum temere et injusto facinori se opposuerit, an fieri passus sit, quod impedire non potuit, quin fieret quum utrumque incertum neque illud ab ullo scriptore traditum sit, num ei probata fuerint contra Marcellum Ancyranum, fortissimum consubstantialitatis defensorem, ab Eusebianis et hierosolymitano⁶⁾ et aliis conciliis⁷⁾ decreta sunt, nolo conjecturis supplere. Quamquam magis animus, ut arbitrer, omnia a concilio Hierosolymitano pro Arianis et contra Marcellum decreta episcopo magis minusve accepta et in ecclesia Hierosolymitana promulgata fuisse; hinc enim esse videtur, ut Cyrillus, optimus meo iudicio Maximi interpret, quamvis haeresim Arianam atque iterum acerrime impugnet, nusquam tamen Arianos nomine appellet, Marcelli vero docet licet hujus quoque nomini parcat, non dubitet „novissimum draconis caput“ vocare, „quod in increverit“ (cat. 15, 27). Hoc autem constat, convocato ad Encaenia ecclesiae Antiochenae Maximum dedita opera abfuisse, poenitentia ductum⁸⁾, quod fraude deceptus eorum, qui Athanasium ejecerant episcopatu, sententiae suffragatus esset. Nec aliis postea sive Eusebianorum sive orthodoxorum conciliis, nec Philippopolitanae nec Sardicensi synodo interfuisse videtur.

2. Ut res se habet, illud certum videtur, Maximum cum aliis episcopis Palaestinae concilio Tyr vel postea vi compulsus aliquid in nomen Athanasii subscribendo commisisse. enim Athanasius⁹⁾, quum ipse a. 349 Palaestinam pertransiret, omnes hujus terrae episcopos, (Acacio Caesariensi et Patrophilo Scythopolitano) vel tribus exceptis, Hierosolymis cum concilio celebrantes ita Athanasium ejusque communionem amplexos esse, ut literis se excusaret, „quod ea, quae antea scripsissent, non ex animo vereque, sed vi coacti fecissent.“ Quorum primum fuit Maximus, cujus nomen etiam in literis, quas ad episcopos Aegyptios et ecclesiam Alexandinam de felici reditu Athanasii et recepta a Palaestinis cum ipso gratissima communione miserunt, loco habetur¹⁰⁾. Quare Maximus etiam a Socrate¹¹⁾ tum „Athanasio communionem et dignitatem reddidisse“ dicitur. Eodem tempore factum esse existimo, ut iidem episcopi, numero qui synodicae ad totius ecclesiae catholicae episcopos et decretorum Sardicensium fautores datae e

⁴⁾ H. E. I, 17.

⁵⁾ L. c. II, 23.

⁶⁾ Cf. Sozom. II, 27. 33. Socrat. I, 36. Rufin. I. 11. Hefele l. c. I, p. 471.

⁷⁾ Sc. conciliis Constantinopoli annis 335, 338 (339), Alexandriae 339, Romae 341 habitis. Cf. Hefele l. c.

⁸⁾ Sozom. III, 8. Socrat. II, 8.

⁹⁾ Hist. Arian. ad mon. n. 25. opp. I. p. 355 M.

¹⁰⁾ Athanas. apol. c. Arian. n. 57. l. c. p. 175.

¹¹⁾ II. 24.

scripserint¹²⁾, id quod testimonio Socratis¹³⁾ confirmari videtur, qui Maximum ait ab Athanasio de odi Sardicensis decretis certiorum factum esse. Sed ante haec tempora Maximus, nulla cum Athanasio amunione publica conjunctus et Eusebianorum artes ac dolos detestatus, utriusque partis studia et cilia repudiasset et haeresium contrariarum vitiorumque, quorum pars altera alteram accusabat, tasse de utraque aliquid suspicatus, se tamquam medium nec in alterius favorem inclinatum praeberetur. Quapropter Philostorgius¹⁴⁾ Maximum in eorum numero ponit, qui primum a consubstantialitate ni postea ad sententiam Athanasii declinarunt.

3. Quod supra verisimillimum putavimus, presbyterum de rebus ecclesiae gravissimis iisdemque tissimis cum praesule consensisse, id nobis re vera comprobatur. In ista enim sententia, qua ximum fuisse scimus, fuit etiam Cyrillus. Tum de Eusebianorum dolis atque fraudibus, tum de justis Athanasianae causa non satis edoctus, neutri parti magis addictus, sed in utramque odii fraterni haeresis occultae suspicionem quandam cadere ratus ipse se inter pugnantia et contraria episcoporum ecclesiarum studia et dogmata quasi quendam medium se tenuit, auditores vero jussit iis minime turbari, quae jam pridem Christus proximi Antichristi adventus signa praedixerit. „Si audieris“, ait, „episcopos adversus episcopos et clericos adversus clericos et populos adversus populos ad ignem usque grassari, ne perturberis; praedictum enim antea est in scripturis. Ne his, quae nunc at, sed iis, quae scripta sunt, animum attende (Matth. 24, 10, 12). Si in apostolis deprehensa est editio, quid miraris, quod in episcopis quoque odium fraternum inveniatur“ (cat. 15, 7). Distracta et misere afflicta ecclesia, quum ipse contentiones ut qui maxime aversaretur, „schismata haec episcoporum, clericorum, nationum ab ipso diabolo praeparata“ (cat. 15, 9) et „mutuum fratrum odium“ itopere abhorruit (cat. 15, 18), ut catechumenos non posset non admonere, ne vel ipsius magistri, illorum particeps fieret, exemplum et auctoritatem sequerentur. „Neque enim si ego, qui te doceo, ream, tu una mecum percas; sed fas est, auditorem magistro meliorem fieri et eum, qui novissimus nit, priorem effici“ (cat. 15, 7). — Non dubitare possumus, quin Cyrillus his locis tristissimas illas et seditiones respiciat, quas inter catholicos et Eusebianos hoc tempore exortas jam supra brevi scripsimus. Damnatis enim et pulsis e sedibus suis modo hujus modo illius partis nobilissimis iscopis et aliis substitutis, non solum episcopatus, sed etiam clerus populusque christianus, alio unde stante, in duas partes divisus infestusque in fratres animus excitatus caedesque multae in urbibus tae sunt. — Quod autem Cyrillus in hoc discidio eorum, qui pro ordine et dogmate ecclesiastico endo discrimini se dederunt, justitiam et innocentiam non magis perspectam habuit, quam Eusebianorum los et calumnias, et utrosque, tum calumniatores ecclesiae fidem et causam oppugnantes tum defensores clesiae calumnias passos, uno fere loco et ordine posuit, id quidem maxime dolendum, minus tamen rum videtur nobis, qui temporum illorum iniquitatem calamitatemque cognoverimus. An forte Cyrillo ile fuit, astutam Eusebianorum fallaciam et contortas difficilesque, quas cum orthodoxis faciebant, ntentiones penitus perspicere? Licet Eusebiani Arianorum placita et studia alius magis alio probarent, men haeresim sub vocibus dubiis et quasi duplicibus, quae et in catholicam et in haereticam ntentionem accipi possent, caute abdiderunt neque palam aperuerunt nisi post aliquot annos¹⁵⁾. iapropter etiam catholicos minus de divinitate Christi defensata quam ficta Sabellianismi criminatione t variis calumniis ad mores pertinentibus impugnabant, quas quidem tam atroces et captiosas fuisse

¹²⁾ Athanas. l. c. n. 50. p. 169. Eadem enim sunt episcoporum nomina eodemque fere ordine scripta, nisi quod 50 deest Macrini nomen et qui n. 57 Theodorus appellatur, hic Theodosius dicitur.

¹³⁾ L. c.

¹⁴⁾ H. E. III, 12.

¹⁵⁾ In conc. Mediolan. a. 355 et potissimum Sirmiensi a. 357.

scimus, ut eos, in quos conferebantur, episcopos catholicos prorsus innocentes esse, non crediderint. Accedit, quod Cyrillus paucis ante annis utriusque concilii et Sardicensis et Philipp episcopos inter se acerrimis literis et accusationibus pugnare viderat, quibus vel optimus quis rem penitus non noverat, facile offendi et ab utrisque abalienari posset. Quae tamen non tantum valuerunt, ut ipse se sicut ceteri fere in oriente et Syria societati Eusebianae ipsius in gratia et auctoritate sustentatae adjungeret, sed in ea et haeresis Arianæ patrociniū et in fratres animum detestatus est.

4. Jam vero si de causa et origine ecclesiasticæ hujus perturbationis quaesieris, vehementissima illa ecclesiarum et populorum certamina a variis et contrariis haeresibus, quas foverent, nata existimabat. Commemorans enim vaticiniū illud spiritus sancti, „quod in diebus discedent quidam a fide“ (1 Tim. 4, 1): „Hoc“, inquit, „non in praeteritis tantum, sed in nostri temporis schismatis videmus, quum varius et multiplex haereticorum error deprehenditur“ (cat. 17, 33). Qualis vero ab eo intelligatur hæc multiplex hæresis, id optime apparet ex cat. 9, ubi generalem a fide defectionem, quam Paulus Antichristi adventui proxime antecessur dixerit, jam adesse monens ita pergit: „Defecerunt homines a recta fide. Et alii quidem paternitatem (*ϰοννατορίαν*) profitentur, alii vero Christum ex non exstantibus (*ἐξ οὐκ ὄντων*) perductum dicere audent. Et prius quidem conspicui erant haeretici, nunc autem tectis plena est ecclesia.“ — Duas illas haereses, quas Cyrillus hoc loco impugnat, quamvis nomine alteram esse Arianam, Sabellianam alteram, non opus est disputatione. Sed ii, qui illis se obstriquinam tandem fuerunt? Quod tectos et in ecclesia latentes vocat, quos supra commemoravit haec argumentum esse mihi videtur, cum de primis et publicis Arianis et Sabellianis non loqui. Nam hæresim palam et aperte profitentes eo tempore pauci et a concilio Nicaeno damnati exqueiecti, licet occultum apud Eusebianos patrociniū invenirent, ab omnibus tamen communione ecclesiasticæ expertes habebantur. Eusebianos igitur hic proprie notare videtur, qui in communione ecclesiastica fruebantur. Multo etiam minus Sabellianos illa ætate exstitisse legimus aut propriam ab ecclesia divisam sectam aut occultam in ecclesia factionem constituerint. Nihil igitur filio-paternitatem in ecclesia profitentes deprehendere potuit nisi vel Marcellum Ancyranum Photinum Sirmiensem, certos ex Cyrilli omniumque orientalium sententia haereticos¹⁶⁾, vel etiam mihi quidem videtur, nonnullos alios catholicæ partis socios, quos cum Marcello et Photino Eusebianos consubstantialitatem filii ita defendisse forsitan putaverit, ut a Sabellianis jam nihil viderentur. Certe Marcelliani ecclesiam non replebant sicut Eusebiani, nisi eos, qui Martuebantur et adjuvabant, consubstantialitatis defensores una cum illis conjunxeris. Cujus sententiæ Cyrillus etiam alio loco fidem facit, ubi oppositas Sabellianorum et Arianorum rejiciens suam de filio dei fidem in hunc modum pronuntiat: „Deus verus est filius, habens in patrem, non in patrem mutatus; non enim pater homo factus est, sed filius; dicatur enim veritas“ (cat. 11, 14). Num quaeso tanta vi et libertate in oratione Cyrillo opus fuisset, si tantum petiisset Marcellianos? Sed alii Sabelliani illa ætate vel nulli exstiterunt vel perquam pa-

¹⁶⁾ Marcellum impugnat Cyrillus cat. 15, 27 verbis his: „Quodsi forte aliquem audieris dicentem, fore ut finem Christi regnum, hanc hæresim execrare . . . Ausus est quidam dicere, post mundi finem regnaturum non esse Christum pronuntiare veritus est, quod *verbum ipsum in patrem resolutum amplius non erit*“. Cf. cat. 15, 9. — Ceterum de disceptatio vix ad finem perducta est. Orientales omnes fere hæresis Sabellianæ eum accusant; alii in alias distrahuntur. Natalis Alexander, Montfaucon, Möhler orthodoxiam ejus tuebantur; Hefele (l. c. I. p. 456) difficile certum de eo iudicium ferre. Sed ab omni hæresis suspitione vix quisquam eum exsolverit. Vid. novam inquisitum Marcello a Dornero, Döllingero, Theod. Zahn, Schwane (l. c. p. 176) institutam.

ndi, nisi inter eos numerantur, qui Marcelli partes secuti hunc contra Eusebianos ab haeresi Sabelliana defendebant.

5. Ex hoc nimio metu haeresis Sabellianae, quam de illis vel de aliqua eorum parte suspicatus minus repudiavit quam impia placita Arianorum, etiam repetendum esse existimo, quod Cyrillus de quibus catholicos inter et Eusebianos maxima controversia agebatur, vocibus *ὁμοούσιος* et *τῶν* (*eis*) in catechesibus nondum usus est¹⁷⁾. Nam quamquam defensores consubstantialitatis tuebantur nisi fidem catholicam a concilio Nicaeno definitam, tamen orientalibus haec vox propter as et sinistras, quas nonnulli ei subiecerunt, sententias suspiciosa videbatur. Aliter enim jam antea interpretatus erat Paulus Samosatenus, aliter eam illi acceperunt, quos Hilarius scribit¹⁸⁾ *ὁμοούσιον* is impie quam pie dixisse, aliter Marcellus Ancyranus, qui in ea defendenda usque eo pervenerat, ab haeresi Sabelliana quam proxime abesse videretur. Quem quum Eusebiani in eadem causa cum anasio conjunctum et catholicorum gratia et auxilio sustentatum eorumque conciliis iterum ac saepiusolutum viderent, eo aptiorem ansam se nactos esse putabant ad ceteros consubstantialitatis pugnatores ejusdem haeresis accusandos¹⁹⁾. — Quod autem ad alteram vocem, *ὑπόστασιν* dico, net, Athanasius et qui ex partibus ejus erant episcopi orthodoxi illo tempore plerumque *μία* *σῶσιν* in trinitate profitebantur, Eusebiani vero *τρεῖς ὑποστάσεις*. Utraque sententia, ut nemo videt, salva fide proferri potest, *ὑπόστασις* modo illic naturam, hic personam significet; quaificatione permutata, utraque rejicienda est. Nam qui in illa *ὑπόστασιν* idem intelligi vult acsonam, non solum nullum naturae, sed ne personarum quidem numerum et discrimen in trinitateittit; in hac qui naturam (seu essentiam, substantiam) substituit, non solum tres personas, sedm tres naturas profitetur, aliam substantiam alii personae attribuens. Illud a Sabellianis, hoc abanis factum esse novimus: utrique duplicem hujus vocabuli vim ita in usum suum verterunt, ut,one verborum habita, inter prava eorum eademque contraria placita et inter fidem ecclesiasticamil videretur interesse²⁰⁾. Nihil igitur nobis mirandum est, quod Cyrillus illas voces, quas haeretici duas pluresve malas partes acceperunt, quamvis nusquam reprehenderit, tamen suspectas habuitue in catechesibus ad initiandos habitis ad explicandam de trinitate fidem ecclesiasticamreas judicavit.

¹⁷⁾ Insignis de hujus temporis angustiis, quae optimum tum quemque de notione vocum dogmaticarum dubium passim erent, locus est s. Hilarii in II. de trinitate ad Constantium Augustum l. II. c. 4. 5 (Ed. Maur. p. 1227).

¹⁸⁾ De synodis cap. 67.

¹⁹⁾ Cf. Epist. Conc. Philipp. ap. Hil. fragm. III. p. 1314 sqq. Ed. Maur. ap. eundem Hil. de trinit. l. X. et Socrat. 3. Basil. epist. CXXXIX (al. X) et epist. LXIX c. 2 (al. LII).

²⁰⁾ Quantopere haec controversia animos excitaverit, legimus apud Basilium epist. CCXIV. (al. CCCXLIV), qui eam ait locum dedisse schismati Antiocheno (cf. Möhler, Athanasius II. p. 237 sq). Idem unius hypostasis professione ellianismum ait renovari (epist. CCX al. LXIV), unam hypostasim a Sabellio et a Marcello Ancyrano dictam esse (epist. IV. epist. CCLXIII al. LXXIV); quapropter non solum Epiphanium laudat, quod scripsisset, tres hypostases confitendas (epist. CCLVIII al. CCCXXV), sed etiam ipse cum Gregorio Nysseno eam loquendi rationem secutus est, ut *οὐσία* divina natura, *ὑπόστασις* de divinis personis diceretur (epist. CCXXXVI). Quam quidem sententiam ipse Athanasius Eusebius Vercellensis alique patres synodi Alexandrinae (a. 362) acceperunt (cf. Athanas. tom. ad Antiochen. c. 5 et 1). Quamquam qui multo ante scripsit Cyrillus trium hypostasium professione abstinuit, Arianismum forte in ea re suspicatus. — De praetermissa autem a Cyrillo in catechesibus voce *ὁμοούσιος* Theophanes (l. c.) dicit haec: cem *ὁμοούσιος* plurimorum aures adhuc offendentem et adversariorum controversiis a sacro baptismo deterri- m ignaros catechumenos praeterire decebat, et notionem illius vocis vocabulis idem significantibus clarius exprimere; d quidem a beato Cyrillo factum est, qui publicatam Nicaeae fidem ad verbum interpretatus deum verum de deo d praedicavit“.

6. Sed de hoc satis metuoque, ne nimium putet lector. Abunde enim s. Cyrilli catechi contentione et controversiis ecclesiasticis sententiam eruisse et explicasse mihi videor. Nonn supra suspicati sumus, Cyrillum de iis sine dubio cum Maximo praesule consensisse, inquisitio confirmavit? Si autem ita res se habet, ne illud quidem dubitari potest, quin Maximum episcopum ad partes Athanasii transeuntem etiam Cyrillus presbyter secutus sit et ea, quae a synodo Hierosoly in Athanasii gratiam supra commemoravimus facta et decreta, ipse suo assensu vel potius sua pra comprobaverit. — Quod ut melius doceam, historiae sequor vestigia. Primum igitur antiqua disciplina in ecclesia Romana, Alexandrina, Antiochena servata, ut ad concilia provincialia un: urbis, ubi concilium habebatur, episcopo ejusdem et presbyteri et diaconi admitterentur. Quod ceteris licebat, quanto verisimilius Cyrillo, praestantissimo illi et primo ecclesiae Hierosolym presbytero, cui episcopus vel gravissimam partem muneris sui crediderat? Idem confirmant res a C subsequente tempore gestae. Nam uno fere vel duobus annis post (c. 350) in Maximi locum epis successit, ab iisdem episcopis provinciae in sede Hierosolymitana collocatus, qui in concilio Hieroso a. 349 habito una cum Maximo Athanasii communionem receperant neque episcopum creassent, quem in gravissima causa secum conjunctum novissent. Quamquam reticere non possumus, hac de re magnam esse inter auctores dissensionem. Hieronymus et Theodoretus in hoc quidem conver quod Maximum scribunt episcopatum suum finisse morte; ille autem novum episcopum in Arian numero refert et Acacium Caesariensem aliosque episcopos Arianos ordinationis Cyrillianae auc facit²¹⁾, hic vero „Maximum ad aeternam vitam translato“ Cyrillum ait „acerrimum doct apostolicae propugnatorem gratiam episcopalem promeruisse.“²²⁾ At Socrates et Sozomenus²³⁾ narrant, Maximum expulsum et Cyrillum ab Acacio Caesariensi et Patrophilo Scythopolitano Ar episcopum substitutum esse. Vides igitur, quam discrepantia et contraria sint, quae rerum scrip prodiderunt. Neque tamen perdifficile videtur probatu, quorum sit ratio potior. Si auctorit sequimur, Socratem et Sozomenum antiquitate superat Hieronymus, gravitate autem et ecclesiastica Syriae rerum peritia Theodoretus. Ille enim admodum juvenis, quum parum in Syria versatus e quam ut ecclesiae hujus status penitus pernosceret, chronicum suum ex variis narrationibus sermonib: vulgaris „velocissime“, ut ipse fatetur²⁴⁾, composuit; qui si post aliquot annos scripsisset et praeclarissi illud, quod infra afferemus, concilii Constantinopoli a. 382 habiti de Cyrillo testimonium legisset, multo acquius de hoc judicasset; atque hinc ducendum est, quod res me monet, ut quasi praete perstringam, quod Hieronymus revera in catalogo scriptorum ecclesiasticorum multo post comp nec laude magna nec vituperatione Cyrillum affecit. Falli igitur facile potuit, quum Cyrillum n qua de causa simpliciter breviterque in Arianis numeraret, eoquē certius erravit, quod virum hae Arianae incusat, qui eam in catechesibus data opera refellit, in epistola autem ad Constantium i episcopatus (a. 351 s. 352) missa²⁵⁾ jam *ὁμοούσιον τριάδα* professus est multasque postea ab Ar

²¹⁾ Hieron. Chronic. l. c.

²²⁾ Theodoret. l. c.

²³⁾ Socrat. II, 38. Sozom. IV, 20.

²⁴⁾ Cf. praef. Chronic. Opp. T. VIII. p. 3—4.

²⁵⁾ Qua in epistola Cyrillus „de signo lucidae crucis Hierosolymis viso, quod in coelis apparuit“, ad Constantium refert. — De laudibus, quibus Cyrillus in ea imperatorem Arianae causae faventem ornat, jam Theophanes „eos falli et iudicio peccare“ censet, qui propter illas „Cyrillum Arianae opinionis suspectum accusant. Oportebat ex animi simplicitate potius quam aperto proposito Arianorum dolis in haeresim abductum imperatorem, gentilitate non plane abolita, *εὐσεβέστατον* nuncupare“. Accedit, quod revera „multa in Constantio erant veris laudibus digna: fr et compressa ubique gentium idololatria et superstitio, ecclesiae opes magnis donariis auctae, immunitates maxime concessae. Praeterea nondum eo tempore gravia illa in catholicos facinora designaverat . . . immo vero hoc tempore concilium Sardicense reconciliata pax erat, Athanasio in sedem imperatoris benignitate restituto. In quo potior est co

indignitates et contumelias pertulit. Quod autem Hieronymus, Socrates, Sozomenus, ille quidem mortuo, hi autem expulso Maximo, Acacium et Patrophilum aliosque episcopos Arianos ecclesiae Hierosolymitanae arbitros ejusque episcopatus cui vellent permittendi dominos habent, id minime ad eam, quae ipso illo tempore fuit, ecclesiae Palaestinensis conditionem respondet. Nam Arianos episcopos in tota illa regione, qui fuerint, vix alios novimus nisi eundem Acacium et Patrophilum; reliqui enim omnes, ut supra vidimus, a. 349 ad Athanasium se adjunxerant et vel iis ipsis, quibus Acacii depositio decreta erat, literis synodicis concilii Sardicensis subscripserant.²⁶⁾ Alienum igitur tempus erat, quo Acacius et Patrophilus sive in concilio servata legis exteriori forma sive aperta vi et imperatoris ope Maximum expugnare potuissent. An Acacius ceteros episcopos religione obstrinxerit illa, quae modo religiosissime sanxerant, irrita faciendi? An vero sua sponte et voluntate episcopi iidem, qui justam Athanasii et orthodoxorum causam et communionem aliquamdiu omissam ex animi sententia una cum Maximo proxime amplexi erant, nunc ad Acacium et Patrophilum deficientes cum iis in ejusdem Maximi depositionem conspiraverint? Illud unum fortasse auctoribus hac de re tam inique referentibus concedere possumus, Cyrillum ab episcopis provinciae canonice creatum Acacio, improbo quidem sed legitimo metropolita, ordinationis suae usum esse ministro; in quo quid Cyrillo crimini vel fraudi sit, equidem non video. Licet enim Acacius a concilio Sardicensi exauctoratus fuisset, tamen episcopatum suum et communionem ecclesiasticam constanter retinuit et praesertim hoc tempore, quum ea, quae memoriam ejus in historia infamem reddiderunt, facinora nondum confecisset, justus ecclesiae episcopus habitus est²⁷⁾. Nihilominus haec tota res difficillimos mihi habere videretur explicatus, nisi alius nobis adesset idemque locupletissimus testis, cujus auctoritatem iis quibus supra usi sumus rerum auctoribus non dubito multo superiorem opponere, concilium dico Constantinopolitanum (a. 382), cujus patres in epistola ad Damasum et occidentales missa ecclesiasticas orientis res exponentes de Cyrillo ita scribunt²⁸⁾: „*Τῆς δέγε μητρὸς ἁπασῶν τῶν ἐκκλησιῶν τῆς ἐν Ἱεροσολύμοις τὸν αἰδεσμώτατον καὶ θεοφιλέστατον Κύριλλον ἐπίσκοπον εἶναι γνωρίζομεν, κανονικῶς δὲ παρὰ τῶν τῆς ἐπαρχίας χειροτονηθέντα πάλαι καὶ πλεῖστα πρὸς τοὺς Ἀρειανοὺς ἐν διαφόροις τόποις ἀβλήσαντα*“ — quo illustrissimo amplissimoque concilii²⁹⁾, quod a nonnullis inter oecumenica numeratur, testimonio cadunt omnia, quae in Cyrilli ordinationem episcopalem congeri possunt probra, praesertim quum ipse huic synodo interfuerit neque dubitari possit, quin patribus congregatis ordinationis suae rationem propter calumnias inimicorum exposuerit. — Qualis autem contra Arianos fuerit episcopus et quanta ab iis passus sit, sufficiat quasi in transitu attingere, ut statim lector cognoscat, quam alieno ab iis animo jam fuerit.

7. Quas enim alii orthodoxi episcopi experti sunt calamitates temporum fortunaeque vicissitudines, easdem etiam Cyrillus, ex quo episcopus factus est, omnes ipse tulit. In quibus maxime illae, quae ab Acacio ei illatae sunt, injuriae episcopatum ejus turbaverunt. Nam ubi sedem Hierosolymitanam occupavit, contentio ei cum Acacio Caesariensi orta est de principatu honoris³⁰⁾, quem quidem a concilio Nicaeno³¹⁾ ecclesiae Hierosolymitanae adjudicatum Acacius eo magis improbavit, quo minori tenebatur

Cyrilli Constantium laudantis, quam Athanasii, Hilarii, Gregorii Nazianzeni, qui Constantium etiam majoribus quam Cyrillus noster laudibus celebrarunt“. Touttaeus, Ed. Maur. prael. n. 8. cf. Tillemont l. c. p. 182. Schwane l. c. — De veritate vocis *ὁμοούσιος* in hac epistola nobis occurrentis cf. Toutt. l. c. n. 10. Reischl et Rupp, s. Patris Nostri Cyrilli Hieros. Archiepp. opera quae supersunt omnia. Vol. II. Monaci MDCCCLX.

²⁶⁾ Cf. Athanas. apol. c. Arian. n. 49 (l. c. p. 167).

²⁷⁾ Athanas. de syn. n. 13.

²⁸⁾ Apud Theodoret. V, 9.

²⁹⁾ De auctoritate hujus concilii (a. 382) cum Constantinopolitano I generali (a. 381) ad unum fere conjuncti vid. Hefele l. c. II, 38 sq.

³⁰⁾ Soz. l. c. IV, 25. Theodoret. l. c. II, 26.

³¹⁾ Conc. Nic. can. 7: *Ἐχέτω* (sc. ecclesia Hierosolymitana) *τὴν ἀκολουθίαν τῆς τιμῆς, τῇ μετροπόλει* (sc. Caesarcae) *σωζομένον τοῦ οἰκείου ἁξιώματος*.

hujus concilii reverentia. Quam contentionem mutuae de fide accusationes subsecutae sunt, alteri obijciente, quod non recte sentiret de trinitate³²⁾. Quo factum est, ut Acacius „levibus quibus causis“ uteretur ad Cyrillum deponendum³³⁾; qui Tarsum se contulit ibique hospitio usus est episcopi³⁴⁾. Expulsus „ad majus quidem iudicium provocavit“; cui appellationi quum ipse „in adstipularetur“³⁵⁾, pro explorato habendum est, Cyrillum non sine aliquo adversarii sui stomacho a Seleuciensi inquisita causa restitutum esse (a. 359)³⁶⁾. Sed Acacius nihil quiescens quum imperatoris levissima illa re exornata atque exaggerata in Cyrillum maxime commovisset³⁷⁾, Constantinopolim synodo inter alia, quae impie egit, hunc deposuit impetravitque ab imperatore exsilium multaretur (a. 360)³⁸⁾. Illud autem feliciter ei evenit, ut sublato a. 361 Constantio imperatore Julianus qui dicitur apostata non magis pietate quam infesta in ecclesiam voluntate ductus omnes in exsilio essent, episcopi sive catholici sive haeretici ad suas quisque ecclesias ut redirent permitti

³²⁾ Qua de re apud Sozomenum IV, 25 legimus haec: „Ex quo (sc. e contentione de principatu ecclesiarum) factum est, ut inimicitias inter se susciperent et accusarent, quod de deo non recte sentirent. Nam et antea uterque in suspicionem venerat, Acacius quidem, quod cum Ario idem sentiret, Cyrillus vero, quod eos sequeretur, qui filii similem secundum substantiam asserebant (*τοῖς ὁμοιούσιον τῷ πατρὶ τὸν υἱὸν εἰσηγόμενοις ἐπόμενος*)“³³⁾. Ex verbis colligi posset, Acacium, quum ipse jam purum Arianismum profiteretur, Cyrillo obijcisse, quod ex partibus Severianorum staret, qui filium dicebant *ὁμοιούσιον τῷ πατρὶ*. Sed aliter rem se habere, quum Cyrillus quidem ce ab a. 349 Nicaenam de consubstantialitate fidem confiteretur, jam supra probavimus. Ceterum hoc tempore ea inter Acacium et Cyrillum ratio intercedebat, ut Acacius Cyrillo consubstantialitatem tantum obijcere posset, similitudinem substantiae non. Similitudinem enim substantiae Acacius ipse tum in synodo Antiochena (a. 341. cf. Athanas. de synod. n. 36) tum in librisque ante concilium Seleuciense editis defendit, quapropter eum, quum ad Arianorum placita postea declinasset (Sozom. Semiariani convicerunt, quod antea similia cum ipsis sensisset (Sozom. IV, 22. cf. Socrat. II, 40). Credibile igitur non est, Cyrillo similitudinem substantiae crimini dedisse, nisi dixeris, eum similitudinem substantiae unum atque idem cum consubstantialitate habuisse. Quam quidem rationem et auctores notissimae formulae Sirmiensis (a. 357) et alii *ὁμοιουσίον* defensores solebant (cf. Hilar. de synod. n. 79. Philostorg. III, 16. IV, 9, 10, 12), ipsisque catholicae partis principibus propria hujus vocis vis eadem fere esse videbatur ac vocis *ὁμοούσιος*. cf. Hilar. de synod. n. 77—80. Athanas. synod. n. 41. — Quam ob rem Nicephorus Callistus (IX. 46) Sozomeni locum in hunc modum mutavit: „Alter accusavit, quod non recte de deo sentiret. Acacius enim dogmata Ariana praedicabat, Cyrillus vero eos, qui consubstantialitatem (*ὁμοουσίω*) adhaerebant, a principio sequebatur“.

³³⁾ Theodoret. I. c.: „*Ἀκάκιος μικρὰς τινας εὐρῶν ἀγορὰς καθεῖλε τὸν Κύριλλον*“. — Cyrillus publica egestate multitudinis necessario victu carentis oculis in episcopum conversis quum non haberet, quibus operari posset, quendam narrat Sozomenus (IV, 25) suo donario amictam cognovisse mulierem scenicam, et quum inquisitius, unde haberet, deprehendisset, mercatorem ei vendidisset, mercatori autem episcopum. Hanc igitur praetexuisse Acacium Cyrilli expellendi. — Itaque sive hac causa usus est Acacius, sive quod Cyrillus iudicium suum subterfugeret (Socrat. II, 40), certe eum deposuit.

³⁴⁾ Theodoret. I. c. De Silvano vid. Basil. ep. CCXLIV (al. 82), CCXXIII (al. 79), LXVII (al. 50). Theodoret. Proleg. dissert. I p. 73 sqq. Hefele I. c. p. 712, 119 sqq.

³⁵⁾ Socrat. I. c.

³⁶⁾ In hoc concilio Cyrillus Acacium in jus vocavit (Socrat. II, 40), Acacius vero, „quo flagrabat in Cyrillum adversus episcopos, qui Cyrillum in honore habebant, propriam factionem constituit (Epiphan. haer. LXII. c. 2; Philostorg. IV. c. 12) et „cum iis se concilium initurum negavit, nisi Cyrillus e concilio removeretur. Hic quum obtemperaret, Acacius relictis illis evasit“³⁷⁾. (Theodoret. II, 26.). Quodsi discessit, tamen paulo post rediit jamque sententiam aperuit, filium patri non secundum substantiam, sed voluntatem tantum similem esse. (Hilar. c. Constant. — Denique Cyrilli causam concilio Seleuciensi probatam fuisse, Acacius ipse prodere mihi videtur, in epistola ad imperatorem missa querens, quod „illo (sc. Cyrillo) assessore et consiliario Seleucienses iudicare et de aliis sententiam ferre fuissent“ (Theodoret. II, 27). Cf. Hefele I. c. I. p. 712, 713, 716, 718, 719.

³⁷⁾ Theodoret. II, 27.

³⁸⁾ Sozom. IV, 25. Philost. V, I. Hefele I. c. p. 725.

³⁹⁾ Sozom. V, 5.

stitutus igitur episcopatum suum placide obtinuisse videtur usque ad a. 367, quo Valens inter ceteros, sicut Julianus revocaverat, episcopos etiam Cyrillum denuo in exsilium misit, unde reverti non potuit in imperatore mortuo (a. 378). Ubinam degerit per undecim hos annos, plane nescimus; iniquissimum enim ecclesiae Hierosolymitanae tempus fuit, quum quidem jam Ariani, Apollinaristae, Pneumatomachi, haeretici eam occuparent multisque vulneribus onerarent⁴⁰⁾. Quapropter Cyrillus Valente mortuo versus ecclesiam invenit valde perturbatam, cui reformandae per reliquum vitae tempus operam dabat cum maximam. Qua in re a Gregorio Nysseno⁴¹⁾ a. 380 Hierosolyma profecto adjutus tantum valuit tute et auctoritate, ut quamquam per sedecim annos exsul episcopus ecclesiae suae res teste Basilio⁴²⁾ diderit florentes. Ex quo, ut ait Hieronymus⁴³⁾, „episcopatum tenuit inconcussum“ et contigit ei, usquam vita decederet (a. 386), ut concilium Constantinopolitanum a. 382 habitum, cui cum episcopis tiocheno et Alexandrino ipse fertur praesedissee⁴⁴⁾, egregium illud, quod jam supra attulimus, legitimae linationis, virtutis, orthodoxiae testimonium ei redderet⁴⁵⁾.

Et haec quidem hactenus. Si verum est, quod nemo dubitat, ingenuitatis et virtutis certissimam e regulam in ipsa vita, equidem etiam has quas adumbravi res a Cyrillo pro ecclesia Christi gestas quas perpersus est calamitates ad illustrandam ejus fidem aptissimas esse censeo.

Caput alterum.

S. Cyrilli de trinitate doctrina.

I. De trinitate in universum.

S. Cyrillum Hierosolymitanum in catechesibus suis articulos fidei christianae haud ita subtiliter ingeniose, sed ad commune judicium popularemque intelligentiam accommodate exposuisse, inter res constat. Neque in explicanda trinitate tantum valuit ingenii vi et acumine, ut cum celeberrimis is aetatis viris, qui hanc doctrinam mira subtilitate et sapientia enodaverunt, comparari possit¹⁾. Id, quod ne illo quidem verbo, quo ecclesia in concilio Nicaeno suam de hoc mysterio fidem expressit *ὁμοούσιος*), in orationibus catecheticis usus est. Nihilosecius non sine magna dexteritate et veritate icii in hoc dogmate versatur, tum ut oppositos haereticorum errores detegat et refutet, tum ut holicam de eo doctrinam exponat atque comprobet.

1. Qua in re ut bene procederet, jam symbolum apostolicum, quod catechumenis explanavit, ei rectam aperuit. Quod quum nos jubeat, quum „in unum deum“, tum „in patrem et filium et spiritum s.

⁴⁰⁾ Socrat. II, 45. Sozom. IV, 30.

⁴¹⁾ Greg. Nyss. ep. ad Eusth. et ep. de euntibus Hierosolyma.

⁴²⁾ Basil. ep. 4 ad monach. lapsum.

⁴³⁾ Catalog. c. 122.

⁴⁴⁾ Cf. Sozom. VII, 7. Socrat. V, 8, 12.

⁴⁵⁾ Martyrologium Romanum ad d. XVIII Mart. habet haec: „Hierosolymis s. Cyrilli episcopi (natalis), qui ab Arianis tas fidei causa passus injurias et ab ecclesia sua saepe pulsus tandem sanctitatis gloria clarus in pace quievit, cujus meratae fidei synodus oecumenica Damaso scribens praeclarum testimonium dedit“.

¹⁾ Cat. 16, 24: „Unus pater, unus dominus, unigenitus ejus filius, unus spiritus s. paracletus. Atque ista nobis scire ciat, naturam vero ne sollicite inquiras. Si enim scriptum esset, diceremus; quod non scriptum est, non audemus. Satis nobis ad salutem nosse, patrem et filium et spiritum s. esse“.

credere“ (cat. 7, 1. cat. 10, 1. cat. 16, 3), fundamentum fidei christianae in eo poni vult, ut quidem deum, sed tres in eo personas existere confiteamur, vel ut verbis utar symboli Athanasii „ut unum deum in trinitate et trinitatem in unitate veneremur“. Duo igitur momenta, quorum utrique virtus inest, in doctrina de trinitate comprehendamus oportet, unitatem dico naturae discrimen personarum; quae si bene coniungimus et alterum altero sustentamus, rectam rationem invenimus, sed ubi secernimus et alterum solum vel plus justo respicimus, alterum reicientes veducentes, a veritate deflectimus. Qui enim solius unitatis rationem habentes patrem et filium et spiritum s. quam artissime inter se consociari volunt, neglecto personarum discrimine facilius perveniunt, ut patrem et filium et spiritum s. permisceant vel nihil aliud esse intelligant nisi potestatem et proprietates dei; qui vero discrimini personarum maiorem vim tribuentes patrem et filium et spiritum s. separant et alium ab alio remonent, iam eo progressi sunt, ut unitate omissa tres distinctas substantias aut filium et spiritum s. patri subordinatos eoque minores vel patris creaturas esse putarent. Jam primis ecclesiae saeculis utrumque errorem floruisse, testimonio historiae comprobatur; alii fuerunt, qui unitate sola proclamata ipsas personas confunderent et patrem et filium et spiritum s. unum eundemque putarent; neque defuerunt alii, qui unitate omni negata patrem et filium et spiritum s. non solum personarum proprietate, sed etiam naturae diversitate discretos esse dicerent et divinitatem soli patri, filio autem et spiritui s. inferiorem naturam adscriberent. Quorum famosissimus et (saeculo) aetate proximus Arius fuit, qui trinitatis mysterium adeo pervertere conatus est, ut filium non esse substantiam aeterno modo genitum neque naturae divinae participem, sed voluntate patris in tempore productum et ex nihilo creatum esse contenderet. Verum etiam Sabellianam personarum confusionem ii qui Cyrillo aequales fuerunt Marcellus Ancyranus et Photinus Sirmiensis orientalibus (si omnibus, certe plurimis) videbantur renovasse.

2. Quae quum ita essent, Cyrillus optimo jure duas potissimum haereses detestatur et impiorum quarum alteram intelligit eam esse, quae tres personas confundat, alteram hanc, quae sanctam trinitatem separet et (vel tres deos statuatur vel) alii personae aliam naturam tribuat. Neque tamen in refutatione utriusque haeresis acquiescit, sed quum utramque in alteram partem propterea abire videt quod aut unitatem substantiae aut discrimen personarum praeteriret, ipse media via ita incedit ut unitatem naturalem aequae ac distinctione personali observata ad catholicam de trinitate fidem tuto perveniat. Audiamus jam hunc ipsum. „Spes nostra“, inquit, „in patrem et filium et spiritum s. est. tres deos annuntiamus, obmutescant ergo Marcionistae, sed cum spiritu s. per unum filium unum praedicamus. Indivisa est fides, inseparabilis pietas. Neque separemus s. trinitatem, quod quod faciunt, neque confusionem secundum Sabellium inducamus“. (cat. 16, 4). Quum igitur Cyrillus deo tres personas admittat, tres autem deos neget, filium et spiritum s. aut unum cum patre aut patre inferiores nec vere divinas personas esse credidit. Atqui divinitatem ab iis abjudicare esset ac trinitatem separare, quod quidem a Cyrillo maxime cavetur; quumque Sabellianam confusionem non minus rejiciat quam distractionem substantiae, hoc certe ei exploratum persuasum fuit, unam eandemque naturam divinam tribus personis communem esse. Non aliam atque eam, dixi, Cyrilli sententiam esse, optime ex iis locis pernosci posse existimo, quibus quod supra de trinitatis separatione aut confusione monuit, idem de patre et filio tam praeclare exponit, ut nihil desideres. „Neque filium ab alienis a patre, neque facta duorum confusione filio-paternitatem (*υιοπατριαν*) credas“ (cat. 4, 8). „Ut breviter dicam, neque separemus neque confusionem faciamus; neque aliquam unquam a patre filium dixeris neque illos pertuleris, qui dicunt, patrem modo patrem esse, filium. Aliena enim haec sunt et impia, non ecclesiae documenta“ (cat. 11, 18. cf. ibid. 16). Quid vero sit ex Cyrilli sententia, trinitatem vel personas separare, perspicue explicat cat. 11

eadem contrarias haereses refellens: „Non pater“, inquit, „pro nobis passus est, sed pater cum , qui pro nobis passus est ... Neque filio nos deferre honorem rati patrem eum appellemus, e patrem honorare arbitantes filium unam ex creatis rebus esse suspicemur“. Itaque haec res jam explorata videtur: Arianos, qui cum discrimine personarum diversitatem ipsius substantiae sentes filium (et spiritum s.) in creaturarum numerum referebant, non minus refellens quam Ilianos, qui unitate nimis affirmata vel ipsas tres personas in unam confundebant, Cyrillus „regiam ingreditur neque ad sinistram vel ad dextram declinans“ (cat. 11, 17) unius naturae vinculo tam tres conjungit, ut a sola personarum confusione et facta interdum alius in aliam mutatione abhorreat.

3. Si vero quaeritur, qua tandem ratione fieri possit, ut in trinitate differentia personarum ad naturae conveniat. Cyrillus recte respondet, alteram cum altera non pugnare, quum quidem tres personae unam eandemque naturam divinam et ea, quae sint naturae propria, inter se communicent. „divinitatis paternae cum s. spiritu etiam unigenitus filius particeps est“ (cat. 6, 6), et „spiritus in patre et filio divinitatis gloria honoratur“ (cat. 4, 16) et „vivens ac subsistens nunquam non patre et filio conjunctus est“ (cat. 17, 5)²⁾. Neque solum natura et divinitate vitaeque interiori ita inter se cohaerent, ut ubi alius est, una sint et alii, sed etiam in operibus quae dicuntur ad a communi munere funguntur. „Pater enim per filium cum spiritu s. omnia donat, neque alia dona patris, alia filii, alia spiritus s., sed una est salus, una potestas, una fides“ (cat. 16, 24). Individua igitur et una est ea, quae ex patre et filio et spiritu s. erga nos existit salutis largitio“ (cat. 17, 5), unde in sanctificatione hominum alius non agit alio quiescente, sed „a servitute in liberationem filiorum dei patris gratia per filium et spiritum s. provehimur“ (cat. 7, 7) omniaque dona celestia ex patre per filium in spiritu s. omnibus profunduntur“ (cat. 18, 29). Omitto singulas dei proprietates, quas Cyrillus sine omni delectu ac discrimine tribus personis attribuit, ordine hic enumerare; relinquo infinitam divinitatis, quam pater cum filio et spiritu s. communicat, dignitatem et maiestatem; sapientiam divinam praetereo, qua soli tres unum deum seque ipsos plene perspiciunt³⁾. Quae apud Cyrillum ad unam et individuum quam tribus debeamus adorationem et gloriam divinam continentia legimus, quum sint egregia de trinitate testimonia, temperare mihi non possum, quin tota exscribam. „Indivisa“, inquit, „patris et filii cum spiritu s. glorificatio persolvatur. Non enim aliam naturam pater, aliam habet filius, sed unam et eandam (*μία καὶ τὴν αὐτήν*) cum spiritu s. (cat. 6, 1). Nemo dicat, alium ibi et alium hic esse spiritum; alioquin in ipsum offendet spiritum s., qui cum patre et filio honoratur et sancti baptismi tempore in s. trinitate simul comprehenditur ... Merito baptizamus in patrem et filium et spiritum s.“ (cat. 16, 4, 9. cf. cat. 11, 17). Atque haec idem, quae ex Cyrillo attulimus verba, ab antiquissimis inde temporibus in baptismo legitime recepta, distinctam trium personarum professionem continent, unde in ecclesia celeberrima illa

²⁾ Cf. procat. 15, ubi catechumeni in baptismo animos ad tres personas attendere iubentur his verbis: „Animo vobis ormate omnium dominum deum sedentem et unigenitum filium a dextris una sedentem et spiritum s. simul praesentem (*παρόν*), thronos vero et dominationes ministrantes“. Cf. cat. 15, 24.

³⁾ Quum Cyrillus procat. 15 dixisset, omnia deo servire, vel ipsos thronos et dominationes, unum filium et spiritum s. accipit, „quippe qui sint extra omnia positi“ (cat. 8, 5). — Quod cat. 6, 2 sqq. et cat. 9, 3 docet, infinitam dei substantiam nullo penitus comprehendi nisi a deo ipso, idem de filio ejusque aeterna generatione et de natura spiritus s. iisdem ferebis repetit (cat. 11, 11 sqq. cat. 16, 5, 24. cat. 17, 17). Sed filium et spiritum s. perfecta dei cognitione gaudere docet; nam ubi angelos probavit alios aliis excellentius deum videre, nullos autem perfecte, ibi tacere non potest, „solum spiritum s. in patre et filio deum videre, sicut oporteat, ejusque profunda scrutari“ (cat. 6, 6); et quum fusius disputasset, divinam generationem coelo et terrae, angelis et hominibus totique creaturae mysterium manere, quod percipi non possit (cat. 11, 11), plenam ejus intelligentiam tum spiritui s. concedit, qui „solus profunda dei cognoscat“ (cat. 11, 12), tum filio, cum „qui genitus sit, non minus noverit genitorem, quam qui genuerit, noverit generatum“ (cat. 11, 13).

trinitatis formula nata est, qua Cyrillus ad laudandum trinum deum in fine cujusvis fere catechutitur, ut particulis aequalitatis „et“ sive „cum“ inter nomina divina positis suam de individua t fidem saepissime profiteatur (cf. praes. catt. 7. 9. 13. 17. 19. 23). Quid aliud lector desideret nisi forte vocem *ὁμοούσιος*, quam quidem nondum in catechesibus, sed demum in epistola duotribus annis post, quam illas habuit, ad Constantium missa invenimus, ubi Cyrillus orat, ut de multos annos Augustum servet „glorificantem sanctam et consubstantiali trinitatem (*ὁμοούσιον τρι*

4. Sed est fortasse, qui adversus expositam de trinitate doctrinam objiciat, quod Cyrillus e dei opera, quum sint tribus personis communia, separaverit et aliud alii personae adscripserit, vel in ipsam quam dicimus immanentem vitam divinam quasi quaedam distractio trinitatis et perso redundet. Velut patri solum mandatum et exemplar mundi creandi, creationem ipsam soli spiritui s. sanctificationem rerum creaturarum attribuere videtur. Et quo melius explicet, qu creatione patri et quas filio partes dari velit, exemplum proponit ab rege sumptum; qui quemadmodum urbem conditurus filio secum regnanti exemplar urbis subiciat, hic vero ad exemplar a patre accipere opus ipsum ad finem perducatur, sic etiam patrem, quum creare voluisset, filio exemplar suppeditasse, quod quidem hic mandatu patris perfecit⁴⁾. Quae sententia si urgetur, quam praecedere videtur ad opinionem Arianorum, qui patris actiones graviores rati, quam quae a creaturari sustineri possent, media natura et manu filii, ut mundus crearetur, opus fuisse censebant⁵⁾. — primum mihi illa, quae ab ipso Cyrillo „infirmum“ dicitur, comparatio nihil aliud significare videtur nisi quod omnes fere theologi ad nostram usque aetatem docuerunt, inter opera dei externa, quam omnia a trino deo proficiscuntur, tamen justis de causis aliud alii personae praecipue, ut appropriandum esse, ita quidem, ut unicuique trium personarum illud praesertim opus exte attribuitur, quod immanenti ejus in trinitate vitae ac rationi maxime respondeat. Quapropter solum Cyrillus, sed vel is ipse, qui adversus Arianos praestantissimus orthodoxae fidei defensor ex Athanasius multique alii ecclesiae patres sacrae scripturae vestigiis insistentes (Joh. 1, 3; 5 persuasum habuerunt, deum per filium quasi per sapientiam et manum suam omnia condidisse filium ipsum ita tantum mundum creasse et redemisse, ut quodammodo ad creaturas sese accommo splendorem et majestatem divinitatis suae cohibuerit⁶⁾. Deinde comparantem hac de re a Cyrillo cum opinione Arianorum neminem facile praeterire posse existimo, eos alia prorsus de causa creati filio tribuisse ac Cyrillum. Illi enim dignitatem majestatemque naturae paternae attulerunt; quum ipsa nec ad creaturas descendere nec ab iis ferri posset, per inferiorem filium mundum crea hic vero docet, patrem regum regio filio ea ratione mundum creandum commisisse, ut parem patri in res creatas dominationem habeat. Ceterum permulti nobis in catechesibus loci occurrunt quibus eundem mundum modo pater, modo filius creasse dicitur. Quis enim de simplici nutu et co creandi intelligi voluerit, quae catecheta praeclarissime de deo patre omnium rerum creatore tri

⁴⁾ Cat. 11, 22: „Vellem equidem exemplum quoddam afferre, sed illud infirmum esse novi; quatenam enim ex visibilibus divinae invisibilisque potestatis idoneum exemplum esse potest? Dicatur nihilominus tamquam infirmum, et ab infirmis. Quemadmodum igitur, si quis rex, filium habens regem, civitatis constituendae cupidus filio secum re subiciat struendae civitatis exemplar, ille autem, exemplari sumpto, cogitatum opus ad finem perducatur: ita, quum omnia construere voluisset, patris nutu omnia filius perfecit, ut nutus quidem ille patri servet incolume summae potestatis arbitrium, filius vero rerum a se factarum habeat potestatem, ut neque pater propriorum operum dominatione prius neque filius in res ab alio, sed a se conditas regnum obtineat“.

⁵⁾ Hanc doctrinam exponit Eusebius Caesar. de laud. Const. c. 9, et refutat Athanasius or. II c. Arian. 2 de decr. Nic. 7—8.

⁶⁾ Athanas. or. II, 64. de decr. Nic. 7, 9, 12, 17. Basil. de spir. s. c. 16. Cyill. Alex. thes. I, 29. Schwane l. 164 et I, 124.

ontra Marcionistas, Manichaeos, alios haereticos defendit, qui hunc mundum a patre Christi eodemque re veteris testamenti profectum esse negabant? (cat. 4, 18, 22. cat. 6, 9, 12. cat. 9). Quos enim non solum eo perducere studet, ut eundem deum agnoscant et auctorem veteris testamenti et in patrem Jesu Christi, sed etiam omnium rerum creatorem, qui „coelos et terras, animas et ora condiderit (cat. 4, 4. cat. 7, 5—8) suisque manibus creationis opus attigerit (cat. 4, 5. cat. 5) omnesque eos, quos creaverit, si mortui et collapsi fuerint, resuscitaturus sit, quemadmodum tatuarii, collapsam formam restituere (cat. 18, 3, 6). Alibi hominem commune opus patris et filii (cat. 10, 6), quorum alter semper agat cum altero (cat. 7, 6), et in ea, quae est de deo omnium in conditore, catechesi nona nulla filii mentione facta deum fuisse ait, qui singula membra hominis in unum corpus manu sua composuerit (cat. 9, 15).

5. Ut creationem soli filio, ita sanctificationem rerum creaturarum Cyrillus soli spiritui s. videtur tribuere. Neque tamen concedendum esse existimo, eum hac in quaestione a doctrina ecclesiae aberrasse. eundem enim explicat Cyrillus, per spiritum s. caritatem cordibus nostris infundi, pias cogitationes excitari, infirmitatem nostram adjuvari, purgari animas a peccatis (cat. 16—17), haec multaque alia in sacra scriptura omnes patres ecclesiae docuerunt; unde licet colligere, probatam esse theologiae sententiam, licet omnia dei opera tribus personis communia sint, tamen in sanctificatione peculiare quid propriumque spiritus sancti intercedere, quod quidem immanenti ejus in trinitate vitae ac personae maxime respondeat. Ipse indelebiles quos vocamus baptismi et confirmationis characteres nobis tribuere, animas custodire, adoptionis gratiam donare, aquae baptismali et chrismati vim sacramentalem tribuere (cat. 3, 4. cat. 21, 3), exorcismis virtutem (cat. 16, 18—19. procat. 9) etc. tribuere dicitur a Cyrillo; idemque esse aliorum patrum doctrinam, nemo est qui nesciat. Accedit, quod etiam hac in re Cyrillus non ita sibi constat, ut solam sanctificationem soli spiritui s. adscribat. Tantum enim abest, ut spiritum s. a ceteris dei operibus excludat, ut ei suas quoque in creatione partes det⁷⁾ et commune opus patris et filii in creaturas dominium concedat (cat. 8, 5) mirabilemque illam, quam patres ex maiestate creatoris potentia repetere solent, panis et vini in corpus et sanguinem Christi transmutationem tribuere soli spiritui s. quam filio vel toti trinitati tribuat (cat. 21, 3. cat. 23, 7, 19. cat. 22, 1. cat. 7). Denique in sanctificatione etiam patrem et filium una cum spiritu s. agere, jam supra ex his probavimus et ex omnibus fere catechesibus cognoscimus, in quibus extremis sanctificationem salutem auditorum modo ab hac vel illa persona divina, modo a tota trinitate vel ab uno deo exposcit⁸⁾.

II. De divinitate filii.

Si quis argumenta s. Cyrilli de trinitate supra composita attento animo studioque prosecutus fuerit, is quidem, ut opinor, jam multa invenerit, quae non parum valent ad sententiam ejus de divinitate filii cognoscendam. Sed tamen propria, quae exstant apud Cyrillum hujus dogmatis testimonia, magis necesse mihi esse putavi colligere et ponderare, quod optime hinc apparet, quantum ab his placitis Arianorum, quorum ipsi objecta est communio, doctrina ejus abhorreat. Etenim non in omni fide ecclesiasticam de divinitate filii accurate copioseque exposuisse et probasse, verum etiam omnes haereses Arianae surculos diligentissime indagasse et radicitus evulsisse mihi videtur.

⁷⁾ Quod cat. 12, 26 filio tribuit, ut in Maria quam assumpsit carnem ipse sibi formaverit, id cat. 17, 6 virtute spiritui s. factum esse dicit.

⁸⁾ Cf. procat. 17. cat. 3, 16. cat. 6, 36. cat. 14, 30. cat. 15, 33. cat. 18, 35. cat. 20, 8. cat. 23, 23.

1. Ac primum quidem, qui lucem huic rei afferant, idonei jam illi loci sunt, ubi, rejecta Arianorum de natura filii assertionem, filium ab omni genere creaturarum sejungit neque ex nihilo f sed proprie vereque e patre genitum et naturalem ejus filium esse omni, qua par est, gravitate e contendit. „Ne filium unam ex conditis rebus esse suspicemur“ (cat. 11, 17), sicut illi opinantur „Christum ex non exstantibus (ἐξ οὐκ ὄντων) ad esse perductum dicere audent“ (cat. 15, 9). ut jam saepe dictum est, nequaquam ex non ente ad esse filium traduxit (pater), neque eum, qui erat, in adoptionem adscivit, sed aeternus existens pater aeternum genuit et inenarrabili modo solum filium“ (cat. 11, 14). Quibus omnibus locis a Cyrillo Arianos impugnari, qui filium a tempore ἐξ οὐκ ὄντων creatum esse dicebant, non est, quod pluribus explicem ac demonstrem. quo planius dicat, quid sibi hac de re videatur, duas in deo actiones distinguit, alteram creatoris omnes res ex nihilo fecerit, alteram patris, qua filium solum genuerit⁹⁾; quam quidem generati intelligit esse tam veram et germanam, ut filius inde existat non adoptivus, sed proprius et natu „Filium enim quum audis, ne adoptivum existimes, sed naturalem filium, filium unigenitum (cat. 1 Ne abusive tantum filium dictum puta, sed vere, filium naturalem, initii expertem, non a servituti adoptionis gradum evectum, sed filium inde ab omni aeternitate genitum“ (cat. 11, 4). Qui enim gratiam ad honorem filiorum dei promoventur, „dei voce et verbo adoptionem, quam non habere accipiunt“, ille vero „non quum aliud quidquam esset, aliud factus est, sed filius patris ab aeternitate natus est, superior quovis initio et saeculis existens (cat. 11, 4). Is, qui secundum naturam filius erat, per disciplinam factus est filius, hic vero naturalis est filius, verus filius. Non sicut o illuminandi, nunc filii dei efficiuntur adoptione per gratiam ... non ita natus est Christus ex patre (cat. 11, 9). Quodsi unus filius, quum solus e natura (φύσει) patris genitus sit, veram ac propriam filietatem habet, res jam ipsa loquitur, etiam patrem alio modo patrem Christi esse, alio modo eum qui per gratiam (θέσει) adoptionis participes redduntur. Quam ob rem Christus ipse non dicit „Ascendo ad patrem nostrum, ne creaturarum cum unigenito communitas induceretur, sed divisam adhibita primum dixit, quod ejus solius proprium est, „ad patrem meum“, id quod natura erat, subjunxit „et patrem vestrum“, quod erat per adoptionem. Ne igitur existimes illum eodem modo filii et creaturarum patrem esse, sed aliter Christus dixit „meum patrem“, secundum naturam, et aliter „vestrum“, secundum adoptionem“ (cat. 7, 7. cat. 11, 19). Primum igitur ex omnibus, quibus uti sumus argumentis firmissimum hoc colligitur, e sententia Cyrilli filium esse ab omni creatura numero secretum, filium dei verum, a vero patre per veram generationem natum; neque unum quicquid verbum ex catechesibus Cyrilli afferri posse affirmo, quo recentioris cujusdam auctoris sententia comprobe Cyrillum cum Semiarianis docuisse, filium dei ortum quidem esse e substantia divina, sed libere creatum

2. Ac ne quid desit in generatione, quod ad veram et perfectam filii divinitatem pertinet, Cyrillus non cessat repetere, tempus, quum pater sine filio exstiterit, nullum omnino fuisse, neque ullum spatium aut defectum in generatione divina intercedere, sed esse eam et aeternam et perfectam. Etenim „si deus et pater generat, neque ignorantia neque deliberatio in medio ... Dicere, quod temporibus secum considerasset, patrem deinceps factum esse, ejusdem impietatis est ... Verum semper filium habet (cat. 11, 8). Atque in corporibus quidem gignendis opus est, ut temporis mora interce-

⁹⁾ Cat. 4, 4: „Unus est coeli et terrae, angelorum et archangelorum factor, qui multarum quidem rerum creator est, unius vero solius Jesu Christi pater ante saecula“. Cat. 7, 5: „Et multorum quidem abusive pater, unius vero solius Jesu Christi natura et veritate pater“.

¹⁰⁾ Baumgarten-Crusius, Dogm. Gesch. I, 270: „Also waren Semiarianer, welche den Sohn Gottes für entstanden, aus dem göttlichen Wesen, wenngleich nicht auf emanatistische Weise, sondern frei erschaffen hielten: Cyrill von Jerus. u. s. w.“

lum vero in generatione filii intermedium tempus reperitur (cat. 11, 7). Non enim temporum cessu adeptus est, ut pater sit, sed unigeniti pater aeternus existens. Neque quum antea esset sine tempore, postea mutata sententia factus est pater, verum ante omnem substantiam et omnem sensum, ante omnia tempora et saecula paternam habet dignitatem, qua quidem magis quam omnibus reliquis titulis idet" (cat. 7, 5). Quodsi deus ab aeterno est pater, Cyrillus hinc recte concludit, ab aeterno etiam filius esse; nam patris et filii notiones sejungi non posse, sed ubi de patre mentio incidat, etiam filium cum ipso nomine patris in memoriam venire et patrem cum nomine filii, ita quidem, ut alter ab altero ne cogitatione quidem separari possit¹¹⁾. Quapropter etiam notissimum illud psalmistae verbum: "Filius meus es tu, ego hodie genui te" (Ps. II, 7) explanans: „Illud hodie“, inquit, „non recens, sed sempiternum, hodie temporis expers, ante omnia saecula“ (cat. 11, 5). Filius enim „non in temporibus, non esset, accepit, sed ante omnia saecula sempiterno et inenarrabili modo e patre genitus est“ (cat. 7). Ejusdem rei hoc testimonium addit, quod Christus post baptismum, quum descendisset spiritus sanctus, de paterna de coelo audita aliter atque ceteri baptizati declaratus sit dei filius. Fiet quidem, ut et tu quoque descendat spiritus sanctus et paterna vox tibi desuper audiat, non autem „hic est filius meus“, sed „hic nunc factus est filius meus“. De illo solo est dictum „est“, quando quidem in principio factum est verbum... Illi, inquam, soli convenit vox „est“, quum sit semper filius dei; tibi vero competit vox „factus est“, quoniam ut filius sis, non per naturam habes, sed per adoptionem filii appellationem consequeris; ille sempiterno est, tu vero ex profectu gratiam acquiris“ (cat. 3, 14. cat. 11, 19). Minimeque jam iniquissimum illud: ἡν ποτε, ὅτε οὐκ ἦν ὁ υἱός, in quo quidem haeresis Ariana maxime reprobatur, recta via petit et impugnat, auditores suos admonens, „ne unquam dicant: „Erat, quando non erat filius“ (cat. 11, 17).

3. Considerantem ea, quae modo exprompsimus argumenta, neminem facile fugisse confido, ut sint a Cyrillo dicta, totidem fere Arianorum erroribus opposita esse, neque vereor, ne quis non obet, quod dicit Dornerus¹²⁾, Cyrillum nihil a doctrina Athanasii abesse, quum quidem non semel confiteatur, filium non ex nihilo neque in tempore creatum, sed e substantia patris genitum et proinde aeternum esse ac patrem, qui eum genuerit. Minime autem eo adduci possum, ut eidem viro credam, Cyrillum alibi de sententia sua decedere deque divina generatione minus recte sentire. Respicit enim Dornerus illum locum, ubi Cyrillus, quum dixisset, non duos esse ingenitos neque unigenitos duos, sed unum patrem ingenitum et unum genitum filium, ad aeternitatem generationis divinae transiens ita arguit: „Sermonibus cogitationibusque nostris multo celerius, ut quidem consentaneum est, generavit verbum. Nos enim, quum in tempore loquamur, tempus consumimus; ubi autem de divina potestate sermo est, temporis expers (ἄχρονος) est generatio“ (cat. 11, 14); — ubi D. ex verbis „multo celerius sermonibus cogitationibusque nostris“ non dubitat conjicere, Cyrillum de generatione divina cogitasse de „actu singulo“ (praetereunte?)¹³⁾. Sed fingamus, nihil ad nos ex operibus Cyrilli pervenisse nisi ea, quae memoravi verba, tamen in iis nihil deprehendi posse judico, quod verae doctrinae repugnet. Tantum enim abest, ut Cyrillus hoc loco quoddam temporis spatium in generatione divina admiserit, ut verbo „temporis expers (ἄχρονος)“ addito omne tempus ab ea removerit.

¹¹⁾ Cat. 7, 4: „Patris nomen sua ipsius appellatione simul et filii notionem animo subicit, quemadmodum qui filium genuit, statim etiam patrem cogitatione complexus est. Si enim pater, omnino filii pater est; et si filius, omnino patris filius... Simul atque pater cogitatur, una et filium cogitemus (ἀμα τῷ νοεῖν πατέρα νοήσωμεν καὶ τὸν υἱόν); nam filium inter et patrem nihil prorsus eorum, quae sunt, medium interest (οὐδέν ἐστι μεταξύ)“.

¹²⁾ Dorner, *Entwicklungsgesch. der Lehre von der Person Christi* II, 861.

¹³⁾ L. c.: „Doch findet sich auch Entgegengesetztes, so wenn er sagt, weit schneller als wir denken oder sprechen können, habe der Vater den Sohn gezeugt; hier ist die Zeugung doch wieder als ein einzelner Act vorgestellt“.

Quam ob rem si dicit, „multo celerius etc.“, vel κατ' ἀνθρώπων loquitur, eadem fere dicendi r utens qua Moses (Ps. 90, 4) et Petrus (II, 3, 8: unus dies apud dominum sicut mille anni et anni sicut dies unus), vel, quod mihi quidem magis placet, generationem divinam ita in vult aeternam, ut ne mente quidem humana temporisque spatiis subjecta apte convenienterque cogitari possit. „Nos enim, quum in tempore loquamur, tempus consumimus; ubi autem de potestate sermo est, temporis expers est generatio.“ Quin etiam ex ea opera, quam Cyrill aeternitate generationis confirmanda navat, effecta mihi videtur illius imaginis rejectio, quae auctores ecclesiastici ad illustrandam patris et filii in generatione rationem non dubitaverunt a et verbo hominis repetere. Quam quidem Cyrillus non solum reprobat, quia mens in nobis sub verbum autem, quum fuerit enunciatum, propria existentia careat, sed etiam, quia mens prior ex unde posterius verbum procedat labiisque prolatum diffuat; „nos autem novimus, Christum natum verbum, non prolatitium (γεννηθέντα λόγον, οὐ προσωρινόν), sed verbum subsistens et vivens, sempi e patre genitum, teste apostolo: in principio erat verbum“ (cat. 11, 10). Quid, quod Cyrillus iterum iterum et quavis occasione oblata ad probandam aeternitatem filii revertitur, ut nullum fere fidei christ dogma reperias, quod in catechesibus studiosius latiusque excusserit et contra haereticos defend quod quidem nemini mirum videbitur, qui non nesciat, hanc ipsam quaestionem ab Arianis vel ma in controversiam vocatam esse, ita quidem, ut divinitatem filio non magis auferre se posse puta quam aeternitate negata, neque catholici divinitatem magis tueri, quam aeternitate defensata. Lor est, innumerabilia, quae praesertim in catechesibus X—XII (de uno domino Jesu Christo, de filio unigenito, de Christo incarnato) nobis occurrunt, hujus dogmatis testimonia colligere et propor illud unum adjicio, quod catecheta de persona Jesu Christi disserens facere non potest, catechumenos admoneat, ne ex eo, quod filius humanam naturam assumpsit, ipsum credant orig initium habuisse; nam „filius quidem Davidis est in consummatione saeculorum, dei vero filius omnia saecula sine initio. Et illud quidem assumpsit, quod non habebat, hoc autem, quod ha sempiterno habet ex patre genitus. Atque illud quidem, quod secundum Davidem est, tempori subje et contrectatur et prosapiam habet, quae recensatur; quod vero est secundum deitatem, neque tem obnoxium est neque loco neque genus habet, quod recenseri possit“ (cat. 11, 5). „Non enim, q in Bethlehem natus est, tunc esse coepit, sed ante omnia saecula ... Ne attendas ad eum, qui m ex Bethlehem ortus est, verum adora eum, qui sempiterno ex patre genitus est. Ne quemquam pati qui temporale filii principium dicat, principium enim filii temporis nescium, principio carens, p est“ (cat. 11, 20. cf. cat. 12, 4). Sed ut jam paucis dicam: quaecunque ad filium dei pertinent, aet esse docet, generationem, dominium, sedem a dextris patris occupatam, vel ipsum sacerdotium (4, 7. cat. 11, 17. cat. 14, 7, 30. cat. 10, 4, 5, 9).

4. Ut omni tempore, ita etiam omni defectu divina generatio, qua filius ab aeterno ex p prodiit, vacare a Cyrillo dicitur. Etenim „non ex passione factus est pater ... non deminutus, alteratus ... Pater perfectus perfectum genuit filium, omnia tradens ei, quem generavit“ (cat. 7. Alia enim humanae et terrestres, alia divinae generationis ratio est; quod enim in terra gigni „imperfectum nascitur temporisque profectui et incremento subjectum est, sed filius dei perfectus natus; quod enim nunc est, id jam a principio est, natus absque initio“ (cat. 11, 7). Quod ita si negas, infirmitatis patrem accusas; nam „si hic imperfectum generavit, qui temporis pro perfectionem assecutus est, id, quod tempus postea largitum est, tua sententia genitor ab initio dedit“ (cat. 11, 7). Constat igitur, generationis divinae hoc proprium esse, ut „neque generans re deminutus sit, neque desit quidquam genito ... Non enim in temporibus genitus est, sed i saecula genitus, non ex profectu auctus, sed hoc ipsum natus, quod nunc est (cat. 11, 13). Ne

r deum generans deitate ipse spoliatus est vel quidquam ipse deperdidit imminutus vel mutatus, ne ille, qui genitus est, defectum ullum habet; perfectus est, qui genuit, perfectus, qui genitus est; est, qui genuit, deus, qui genitus est“ (cat. 11, 19).

5. Jam satis multa vel plura potius, quum necesse fuit, testimonia attulisse mihi videor, e quibus le cognitu est, e mente Cyrilli filium propria et aeterna generatione ex patre sine omni defectu itum esse. Ita quum iudicaret quumque verae generationi hoc proprium incesse intelligeret, ut id, d nascitur, praeter alia eandem cum genitore naturam habeat, res ipsa eum monuit, ut ad verba iboli ecclesiae Hierosolymitanae recurrens profiteretur, „filium esse deum de deo genitum, vitam ita genitum, lucem e luce genitum, aeternum ex aeterno genitum, similem per omnia genitori *οιον κατὰ πάντα τῷ γεννήσαντι*“ (cat. 4, 7. cat. 11, 4, 8—9, 18)¹⁴). Quid vero? Nonne forte ex ximis hujus loci verbis quispiam conjecerit, Cyrillum ab Arianis quidem longissime abesse, Ariarios autem quos vocamus in doctrina de filio secutum esse? Tantum enim aberat, ut illi vixissima Arianorum placita probarent, ut profiterentur, filium deum esse ex deo natum et patri naturam similem (*ὁμοιούσιον τῷ πατρὶ*)¹⁵). Sed quis est, qui doctrina Semiarianorum bene perspecta et cum illo comparata non statim videat, similia quidem verba esse, sententias autem diversas. Illi enim naturalem filii cum patre similitudinem ita acceperunt, ut, plena divinitate soli patri attributa, filium patri non aliter aequalem esse dicerent atque imaginem ad exemplum patris expressam, neque divinitatem in se habere, sed effigiem tantum et speciem ejus reddere; Cyrillus vero plenam patris divinitatem in filio sexcentis attribuit iisque ipsis locis, quibus filium dixit patri similem, disertissime mississimeque docuit: „Deus verus quum sit pater, similem sibi genuit filium deum verum“ (cat. 11, 9), qui „patrem in se ipso habet“ (cat. 11, 17) et „nihil desiderat, quod ad divinitatis dignitatem sit“ (cat. 4, 7). „Credimus igitur in filium dei unigenitum deum verum; verus enim deus non fuerat falsum“ (cat. 11, 14). „Nihil igitur deitatis characteres in filio differunt, quapropter qui visione dei dignus habitus est, idem ad videndum genitorem evectus est“ (cat. 11, 18). Accedit, quod Semiariani opinabantur, patrem vel sine filio existere posse et filium voluntate patris libera procreatum esse¹⁶); Cyrillus autem utrumque tam arte conjungit, ut alter sine altero nec esse nec cogitari possit, generationem filii tam accurate a liberis dei operibus distinguit, ut persuasum habeat, patrem non creatorem esse posse filii, quem genuerit, neque genitorem mundi, quem creaverit (cf. supra n. 1). —

Neque majoris momenti mihi videntur ea esse, quae Cyrillus de aeterno filii sacerdotio protulit¹⁷). Negari quidem non potest, Ariarios, quo magis filii dignitatem minuerent, eo studiosius sacerdotium in ipsum verbum divinum, catholicos contraria de causa ad Christum incarnatum detulisse. Sed verum catecheta mihi hac de re nihil aliud docuisse videtur, nisi quod in sacra scriptura invenit,

¹⁴) Monere juvat, omnibus his locis a Cyrillo non dici *ὁμοιούσιον τῷ πατρὶ*, sed voce *οὐσία* neglecta, *ὁμοιον κατὰ πάντα τῷ πατρὶ τὸν υἱόν*. Notum est, hanc sententiam, „τὸν υἱὸν τῷ πατρὶ ὁμοιον εἶναι κατὰ πάντα“ ostendit a Semiarianis in formulam Sirmiensem tertiam vel potius quartam receptam esse (a. 359). Cf. Hefele l. c. p. 700 sqq. Sed hinc non licet concludere, Cyrillum, qui duodecim fere annis ante, quam haec formula componeretur, catecheses habuit, iam Semiarianis stetit.

¹⁵) Cf. Euseb. demonstr. evang. IV, 15. V, 1. Schwane l. c. II. p. 169 sqq.

¹⁶) Euseb. l. c. IV, 3. V, 1.

¹⁷) Cat. 11, 1: „(Christus) non profectu quodam ad sacerdotium evectus est, sed acceptam a patre aeternae habet sacerdotii dignitatem“. Cat. 10, 14: „Christus est summus sacerdos, non transferendum habens sacerdotium; qui neque in tempore sacerdos esse coepit, neque alterum habet pontificatus sui successorem. Quemadmodum vos die dominica in synaxi vidistis illud: „Tu es sacerdos in aeternum“; non ex corporea successione adeptus pontificium, neque factitio oleo unctus, sed ante saecula a patre“. Cf. cat. 10, 4.

cujus huc pertinentes locos (Ps. 110, 4. Hebr. 7, 17) sic interpretatus est, quasi filius cum genere aeterna simul et sacerdotium aeternum a patre acceperit (cat. 10, 11); deinde in eadem sententia qua Cyrillum esse videmus, multi non solum ante concilium Nicaenum, sed etiam postea patres fuerunt qui omni suspitione haeresis Arianæ carent¹⁸⁾. Ceterum Cyrillus solam dignitatem sacerdotii a filio attribuere videtur, reliqua autem, quæ cum sacerdotio conjuncta sunt, munera ac negotia infusa ab eo remove. Certe difficile intellectu est, quomodo fieri possit, ut filius patrem adoret, quæ una et æquali adoratione conjungendus est (cat. 10, 10. cat. 11, 17); ut supplicet patri is, ad quem prophetæ illud referendum est: „In te supplicabant, quoniam in te deus est, neque deus est pater“ (cat. 10, 16); ut sacrificium offerat filius, cui ab omni servitute alieno omnia serviunt sicut (cat. 8, 5). — Alii sunt, quos equidem levitate et negligentia quadam eo adductos esse crediderim, ut Cyrillum in suspitionem haeresis Semiarianæ vocaverint. Quod enim catecheta dixit, patrem caput et principium filii, filium autem patrem pro deo suo habere (cat. 11, 14. cat. 13, 23. cat. 19—20), hoc aliter, atque a Cyrillo dictum est, accipiunt et ita interpretantur, ut Cyrillum facerent docentem, filium patre vel natura et divinitate inferiorem esse¹⁹⁾; quamquam ex ipsis Cyrilli verbis luce clarius apparet, patrem non dignitate et natura, sed sola origine respecta filii caput, principium deum esse. „Etenim non duo sunt principia, sed caput filii pater unum est principium; pater enim genuit deum verum“ (cat. 11, 14). Originis vero ratione habita, omnes fere patres et theologi filium a patre minorem, vel ut rectius dicam, patrem filio majorem (principium, caput, fontem, auctorem) appellarunt, quum nemo non pro certo habeat, patrem cum filio naturam divinam communicare.

6. Sed satis jam verborum est, jamque vereor, ne diutius in explicandis singulis locis remoratus sim, qui probant illud Gregorii Nazianzeni (ep. 26), non magis ex hoc vel illo verbo quam ex sententiis literisque scriptorem interpretandum esse. Ut uno argumento Cyrilli doctrinam de deo dei ad finem adducam et comprehendam, vix meliora verba reperire possum quam ea, quibus ipse sub finem catechesis de filio dei unigenito habitæ adversus contrarias quas jam sæpe significavi haereses fidem suam in hunc modum pronuntiat: „Vides deum filium, habentem in semetipso deum patrem, fere idem dicentem, quod dixit in evangeliiis: ‚Pater in me est et ego in patre‘ (Joh. 14, 11). Non ait, pater sum ego, sed pater in me est et ego in patre. Rursum non dixit, et ego pater unum sum, sed ego et pater unum sumus; ut neque abalienemus, neque filio-paternitatem confusionem faciamus. Unum, propter divinitatis dignitatem²⁰⁾, si quidem deus deum genuit. Unum, ratione regii imperii habita; non enim in alia dominatur pater, in alia vero filius, sed in qua dominatur pater, in eadem dominatur et filius. Unum, quum nulla sit dissonantia aut separatio; non

¹⁸⁾ Cf. Polycarp. ep. ad Philipp. 12. Clem. Alex. strom. II, 9 sq. Ambros. de prof. III, 16. Schwane l. c. I

¹⁹⁾ Cf. Dorner l. c.: „Leichte semiarianische Anflänge sind noch, daß er den Logos den ewigen Höhenpriester, den Vater *ἀρχή* der ganzen Gottheit, die auch das Haupt des Sohnes sei, nennt“.

²⁰⁾ Ex hac naturali patris et filii unitate et æqualitate facile pernoscutur, omnia ea, quæ naturæ divinæ propria sunt, non minus deo filio quam deo patri attribuenda esse. Quemadmodum igitur natura patris omni creaturæ inexplicabilis est (cat. 6, 5 sqq.), sic etiam substantia et generatio filii a sola trinitate comprehenditur (cat. 11, 12 sq.); velut divini patris tanto splendore est, ut, si quis eam intueretur, statim vitam amitteret (cat. 9, 1), ita etiam filius, quum ad hominem descenderet, majestatem naturæ divinæ humana carne velare debuit, ne patefacta tota divinitate periremus (cat. 10, 12, 13); sicut de deo patre melius dicimus, quid non sit, quam quid sit (cat. 6, 2. cat. 9, 2), ita etiam de filio ejus generatione et angeli et homines non illud perspicere possunt, quomodo revera genitus sit, sed solum, eum non ita genitum esse, quemadmodum mente intelligimus (cat. 11, 11); velut solius dei est, nullo loco includi, sed ubique immenso modo adeste omniaque contueri (cat. 4, 5. cat. 6, 7), sic etiam filius eadem immensitate omnibus locis adest et occultissimis videt cogitationes (cat. 14, 30).

aliae patris voluntates, aliae filii. Unum, quod non sunt alia Christi opificia, alia patris; una enim omnium creatio ... Deus igitur verus est filius, habens in seipso patrem, non in alio mutatus; non enim pater hominem induit, sed filius" (cat. 11, 16—17). — Ligna mihi in silvam viderer, ut Horatii verbo utar, si huic argumento multa verba adderem, quibus fusius latiusque monstrarem, Cyrillum revera, personarum videlicet confusione repudiata, accurate sollerterque notionem vocis *ὁμοούσιος* vocabulis idem significantibus clarius expressisse ... et publicatam Nicaeae ad verbum interpretatum deum verum de deo vero praedicasse²¹⁾.

III. De divinitate spiritus sancti.

1. Quaestionem de spiritu s. cum doctrina de filio dei explanata ita esse connexam, ut hac stabilita ipsa illa consistat, hac collapsa et illa dilabatur, a nullo non intelligitur et historia comprobatur. Namque ecclesia Christi a primis inde incunabulis in professione ss. trinitatis personam spiritus sancti ad divinitatem et maiestatem cum patre comprehendit ac filium, sic jam antiquissimis temporibus reticuli fuerunt, qui quae prava sentiebant de filio, etiam in spiritum s. transferrent. Jam Ignatius Antiochenus (ep. ad Trall.) plures commemorat, quorum alii filium et spiritum s. cum patre confunderent, alii filium et spiritum s. a divinitate patris excluderent numeroque angelorum creatorum haberent, adeoque errores sequentibus quoque saeculis renovatos et excultos esse et alterum quidem in Arianam, alterum in Arianam haeresim exiisse, progrediente commentatione nostra saepius monstravimus. Atque Ariani quidem, quum omnem impetum in filium dei converterent, spiritus s. ab ipso nullam mentionem fecerunt, unde et patres synodi Nicaenae nihil fere de spiritu s. constituerunt, sed in articulo symboli apostolici: „(credo) et in spiritum s.“ acquiescentes omni virium contentione asserenda filii divinitate versati sunt; supervacaneum enim et inutile iis videbatur, de spiritu s. ita disputare, quamdiu dogma divinitatis Christi non esset in tuto collocatum. Attamen Arius quod universum docuit, tres personas inter se natura et maiestate dispares esse, hoc certe ita intelligi voluit, ut quanto filius patre, tanto spiritus s. sit (patre et) filio inferior. Satisne hoc ex eo conclusum videtur, quod inter omnia, quae praeter deum reperiuntur, spiritu s. non excepto, quidquam creatum esse negavit nisi per filium a patre ipsum ante rerum primordia creatum? Accedit, quod omnis qui creditur subordinatianismus ipse ita fert, ut in ordine trium personarum quasi gradus quidam statuatur, quibus a deo patre ad inferiorem filium et infimum spiritum s. descendatur. Quo factum est, ut haeresim Arianam vestigiis sequerentur qui dicuntur Pneumatomachi, quorum princeps fuisse traditur Macedonius, qui quum ab Arianis defecisset et filium profiteretur natura patri similem (*ὁμοιούσιον τῷ πατρί*), tamen spiritum s. (a patre) per filium creatum ejusque famulum ac ministrum esse docuit.

2. Quum ita res se habeat quumque quaestio de divinitate spiritus s. in ecclesia primaeva diu in illa, quae de filio dei agebatur, artissime conjuncta esset, nobis, qui s. Cyrilli de divinitate filii doctrinam orthodoxam jam exploratam habemus, vix necesse esse videtur, ex opere ejus catechetico, si dogma de spiritu s. popularibus atque usitatis verbis exponitur, singulos locos colligere et componere,

²¹⁾ Theophanes, Chronogr. Cf. cap. I. p. 8. not. 20.

unde argumenta de divinitate spiritus s. eruamus. Neque dubitamus, quin attentus lector, qui memoria retinet, quae supra de trinitate attulimus documenta, simul et meminerit, Cyrillum re spiritum s. et filium ubique eodem loco et ordine habere eodemque studio et animo tum personae filii et spiritus s. proprietatem contra Sabellianos, tum contra Arianos naturalem eorum cum aequalitatem unitatemque defendere. Quapropter spiritum s. non solum longo intervallo a rebus creatarumque angustiis et officiis separat atque eximit, verum etiam in ipsa trinitate, cui nihil alieni creati sit admiscendum, eum comprehendit et expleta divinae naturae et generationis cognitione, quidem creaturae omnes careant, eademque divinitate, efficientia, praesentia et adoratione ea, quae est deum colere, cum patre et filio conjungit²²⁾. Ac ne quid relinquat, quo ignorantes perducipotut spiritum s. ex divino trium personarum ordine in inferiorem detrudant, inter spiritum s., et tertiam deitatis personam credimus, et alios quos vocamus spiritus, v. gr. animam humanam et angelum magnum discrimen servat, catechumenos praemonens, ne similitudine nominis decepti nominatos inconfundant et spiritum s. in spiritibus creatis numerantes a veritate deflectant (cat. 16, 13 s. „Ascende enim cogitatione tua usque ad coelum et contemplare tam multa, quae ibi exstant innumera angelorum millia; si vales, cogitatione ad altiora pervola et conspice archangelos, virtutes, principes thronos, dominationes: quorum omnium paracletus est praeceptor et sanctificator. Nulla rerum creata ipsi honore par; nam omnia angelorum genera et exercitus simul collecti nullam cum spiritus similitudinem aequalitatemque sustinent. Illi quidem in ministerium mittuntur, hic vero scrutatur est profunda dei“ (cat. 16, 23). „Unus“ igitur „est spiritus s. paracletus, quemadmodum enim unus pater neque est secundus pater, et sicut unus est unigenitus filius et verbum dei, fratrem non habet ita unus est spiritus s. neque alter spiritus ipsi honore par“ (cat. 16, 3. cf. cat. 4, 16. cat. 16, cat. 17, 2). Qualis autem ille honor, quo spiritum s. nullus alius adaequare dicitur, a Cyrillo intelligatur, id quidem jam ex proximo superiori loco, ubi spiritus s. una cum patre et filio, del omni ac discrimine dignitatis remoto, in divina trinitate ponitur, facile nobis apparere videtur, oportet vero ex iis locis pernoscitur, quibus „spiritus s. cum filio divinitatis paternae particeps“ (cat. 6, 6) et „cum patre et filio divinitatis gloria honorandus esse“ legitur (cat. 4, 16)²³⁾. Quia Cyrillus catechumenos jussit „et in spiritum s. credere et rectam de eo sententiam habere“ (cat. 16), rectam fidem sine dubio intellexit eam esse, qua cum patre et filio simul et spiritus s. deus creditur. Imo vero etiam praecipuam illam et peculiarem spiritus s. proprietatem ac virtutem sanctificationem dico rerum a patre per filium creaturarum (cat. 4, 16. cat. 16, 3. cat. 17, 2), sanctificandi vim sacramentis inhaerentem ex ipsa divinitate spiritus s. deducere videtur. Certe quia „vis omnia sanctificans et deifica“²⁴⁾, quae ubique spiritui s. tribuitur, solius dei propria est, ne „sacrum chrisma nisi praesente divinitate spiritus s. donarium Christi et spiritus s. efficiens redditur“ — Ut divina substantia ita etiam qualitates facultatesque divinae spiritui s. adscribuntur, v.

²²⁾ Vid. supra I. n. 2 sqq.

²³⁾ Cf. cat. 16, 3: „Ἔστιν οὖν τὸ ἅγιον πνεῦμα μέγιστη δύναμις, θεῖον καὶ ἀνεξιχνίαστον“.

²⁴⁾ Cat. 4, 16: „Τὸ πνεῦμα τὸ ἅγιον, τὸ πάντων ἁγιαστικὸν καὶ θεοποιόν“.

²⁵⁾ Cat. 21, 3: „Τὸ ἅγιον τοῦτο μῦρον . . . Χριστοῦ χάρισμα καὶ πνεύματος ἁγίου παρουσία τῆς αὐτοῦ θεότητος ἐνεργητικὸν γινόμενον“.

otentia²⁶), immensitas²⁷), simplicitas naturae cum diversitate operum conjuncta²⁸), utriusque amenti institutio²⁹), largitio omnium gratiarum aeternaeque salutis³⁰).

3. Plenam hanc divinitatem³¹) cum omnibus ejus qualitibus a Cyrillo non minus spiritui s. patri et filio tribui, nemo certe mirabitur, qui cum illo de origine et processione spiritus s. ntit. Licet enim catecheta hac de re nusquam fere proprie diserteque disputet, tamen dubitari potest, quin spiritum s. ex ipsa substantia patris et filii procedere crediderit. Ubi enim de variis et rationibus disserit, quibus tertia deitatis persona spiritus s. appelletur, ibi ex plurimis illis, is etiam reliqui patres spiritus sancti e patre filioque processionem comprobare solent, sacrae turae testimoniis (Matth. 10, 20. Rom. 8, 9, 14. Ephes. 3, 14. Gal. 4, 6. Phil. 1, 19. I Petr. 1, 11. 5. 9) demonstrat, eum tam patris quam filii spiritum esse (cat. 17, 4), neque tamen hac de a divisum vel diversum, sed „unum atque eundem spiritum s.“ esse (cat. 17, 5); — quod non mus quomodo profiteri potuisset, nisi spiritum s. a patre et filio „tamquam ab uno principio et a spiratione procedere“ (conc. Lat. IV.) putasset. Sed est hujus rei etiam gravius hoc testimonium: pater quidem dat filio, et filius communicat cum spiritu s.“ (cat. 16, 24). Ex quo primum hoc ret, filium idem, quod ipse a patre accepit, in spiritum s. transtulisse. Atqui illud, quod pater dedit, nihil aliud esse quam ipsam divinitatem per generationem in filium transfusam, non est l pluribus exponam, praesertim quum catecheta ad explanandam sententiam suam notissimum illud isti afferat: „Omnia mihi tradita sunt a patre meo“ (Act. 8, 2), quod quidem constanter ad aeternam rationem refert (cat. 7, 5. cat. 10, 9. cat. 11, 10). Si ergo filius idem, quod ipse a patre accepit, stantiam inquam divinam, cum spiritu s. communicat, per se jam intelligitur, etiam spiritum s. lem ipsam substantiam sive divinitatem ex patre per filium ducere, hoc est, spiritum s. ex patre filium (sive a patre et filio)³²) procedere. Negat autem Cyrillus, ut quidem aequum est negare,

²⁶) „Omnipotens (*παντοδύναμος*) in donis“ (cat. 16, 22) et ex sua ipsius potestate (*αὐτεξουσιαστικῶς*) agens 16, 14) spiritus s. est, qui per apostolos et diaconos tam multa mirabilia edidit (cat. 17, 21 sqq.), aquas baptismales unitatis replet (cf. cat. 19—20), chrisma ex communi elemento sanctum reddit (cat. 21, 3), panem et vinum in corpus sanguinem Christi convertit (ibid. cf. cat. 22).

²⁷) Spiritus sancti proprium est, cum patre et filio ubique praesto esse (procat. 15. cat. 15, 24. cat. 17, 5) omniaque eri, vel latentes cujusque sensus et cogitationes, et quidquid in orbe terrae ab hominibus bene agitur, efficere tum trando mentem tum voluntatem movendo, et angelos in diversis coelis constitutos docere ac sanctificare (cat. 16, 22—23).

²⁸) Quod patri natura eximium inest, „quum simplicis sit substantiae (*μονοειδῆ τὴν ὑπόστασιν*), innumerabiles n operationes emittere“ (cat. 6, 7), id de filio (cat. 10, 5) iisdemque fere verbis de spiritu s. repetit, qui, „quum unus implex et individuus sit (*ἐν ὃν καὶ μονοειδὲς καὶ ἀδιαίρετον*)“, unicuique gratiam tribuit, sicuti vult, et multas tes efficit“ (cat. 16, 3. cf. cat. 4, 16. cat. 16, 25. cat. 17, 3—5).

²⁹) Ut „divinitus inspiratae veteris et novi testamenti scripturae nos docent, unum esse utriusque foederis deum, qui stum in novo patefactum in veteri praenuntiavit“ (cat. 4, 33), ita Cyrillo exploratum est, „spiritum s. in lege et hetis, in veteri et novo testamento locutum esse (cat. 4, 16. cf. cat. 11, 12) et per prophetas de Christo praedixisse 16, 2) et novum testamentum in ecclesia catholica excitasse“ (cat. 17, 29).

³⁰) Cf. cat. 14, 22. cat. 12, 1. cat. 16, 15, 17. cat. 17, 13.

³¹) Omnibus quibus jam usi sumus s. Cyrilli de divinitate spiritus s. argumentis id accedit, quod ex catechesibus fere afferri potest, quo divina spiritus s. majestas minui videatur. „Wenn der h. Cyrill einmal sagt (cat. 16, 21), daß h. Geist für uns bei Gott intercedire, so will er nicht mehr behaupten, als der Apostel, dessen Worte angeführt werden: der eist rufe in uns durch seine Gnade die Seufzer und Gebete hervor“. Schwane l. c. p. 165. De adoratione spiritui s. debita e solemni ejus in ecclesia et in catechesibus invocatione cf. cat. 3, 3. cat. 19, 7. cat. 21, 3. cat. 16, 25. cat. 17, 34.

³²) Filium a spiratione tertiae personae Cyrillo iudice minime excludendum esse, ex eo facile intelligitur, quod eodem (cat. 16, 24) argumentum sumitur ex verbis illis Christi: „Ille (sc. spiritus s.) me glorificabit, quoniam ex meo accipit“ . 13, 2), quibus omnes fere patres tam Graeci quam Latini spiritus sancti a filio processionem probaverunt.

spiritum s. hanc ob rem existentia substantiali et proprietate personali carere; „non enim ab c
labiis patris aut filii loquendo spiritus s. profertur aut efflatur neque in aërem diffunditur;
substantialis est, loquens ipse et operans et dispensans et sanctificans; quum indivisa sit videlicet
concors unaque salutis erga nos dispensatio patris et filii et spiritus s., sicut et antea diximus“
17, 5). Aliud quidquam de via ac ratione hujus processiois Cyrillus non magis dicere audet,
„naturam vel substantiam spiritus s. sollicite perscrutari“ (cat. 16, 24), neque, respecta sola
magni est momenti; nobis sufficit cognovisse, eum etiam hac in quaestione a doctrina ecclesiae
nihil recedere et haeresim Pneumatomachorum, quam catecheses ejus duodecim fere annis antea
valde abhorrere.

Nihil igitur nobis obstat, quominus commentationi nostrae jam finem faciamus, eundem v
commilitones humanissimi, ex ea fructum proventurum esse confidentes, quem catecheta Hierosolymit
auditoribus suis imprecatur, „ut ex tota de trinitatis mysterio habita oratione firmiorem fidem percip
in unum deum, patrem omnipotentem, in Jesum Christum dominum nostrum, filium ejus unigeni
in unum spiritum s. paracletum“ (cat. 17, 35).





1







